



宋元詩會卷之八十九

皖桐陳焯默公輯選

後學程

仕松皋參較



陳樵

字君采婺之東陽人別號鹿皮子世為湖東巨族其父名  
取青宋未進士嘗抗章不就樵幼承家學又受易書詩春秋  
大義見其章直欲用之辭今之書無不讀讀無不曉易書詩  
左然不與世接著書數十種而易象數新說洪範傳經解  
淳熙糾謬尤見稱于學者卒年八十有八  
為至正乙巳年詳見宋景瀛所撰墓誌

清隱亭

白日照陽春九陌揚遠塵往來酣蟻戰誰是投閒人人生苟知  
足政復貴隱淪萬事等大夢汨沒徒艱辛所以賢達士不肖勞  
其神結亭林泉間歸來養清真寔靈野鳥狎樹密山猿馴草色  
上階秀花枝倚檻新俛仰有佳趣樽酒時相親終焉遠塵俗不



愧無懷民

送吉夫北上

之子冰雪姿，真心學仙真。官卑且勿念，況復憂且貧。邇來太白山，山勢凌秋旻。雲盡月照夜，花開鳥鳴晨。閒居少公事，猿鶴為比鄰。採芝過林麓，釣魚遊水濱。七年不得調，幽興如逸民。通塞任物理，聊用安此身。憶昔始相識，交情日以親。問君鍊藥方，秘之不肯陳。金液且莫採，何以製水銀。豈伊蓬萊中，無分追後塵。君今別我去，九闕朝帝宸。功名信可就，慎勿煩精神。閭風青峩峩，波海白粼粼。他年重會面，笑盼桃花春。

答李齊賢言別

古來青雲士，論德不論年。及時揚意氣，車服耀且鮮。譬彼桃李花，逢春各爭妍。胡能學蘭菊，遲暮秋風前。羨子富年華，文思如

湧泉。詞場早騰譽，海內推英賢。而我竟何為，著鞭苦不先。賦命有遲速，行止任自然。吾觀鴻鵠飛，往返未須憐。會當振六翮，高舉摩青天。

歲寒亭

夕隕悲薜華，秋零悼蒲柳。急景不可留，高風邈難久。風霜十二月，松竹凋獨後。還與嶺上梅，結與歲寒友。草木本無情，猶能同歲寒。奈何市井交，輕薄不足觀。

把酒

把酒勸白日，日日車邈難攀。朝來出東海，薄暮沉西山。東西若循環，來去無時閒。何如延光景，令人駐朱顏。

送兄遊姑蘇

浮雲渺天末，隨風恣悠揚。遊子四方志，去去道路長。手中二尺

琴朱絃汎宮商但空和者寡使我心增傷

晚香迳

秋菊有佳色幽香知為誰蔚為霜中傑冒白露下衰獨賞心悠  
然酒至傷淋漓永懷陶靖節高風邈難追

東飛伯勞西飛燕題飛花亭

東飛伯勞西飛燕花光絮影從風轉蜂黃蝶粉照靈葩不散明  
珠粒散花靈衣墮袂花如雨羽人化蝶隨花去羽人下顧笑春  
紅春閨一夕生秋容骨齊熊耳君知否花艷春暉不經久羽衣  
一瞬千萬春焉知花墮藥齊莫崙

夜闌曲

碧宇星回夜漫漫靈蕪烟暖重夷薦冷翠香銷青桂枝冰荷蓋  
光遠惟樓艷舞金菱蕤吳美吳酒精瓊糜酒闌半解龍綃

衣春朝曲渚聞鷓鴣

海人謠

海南蠻丁髮垂耳朝采寶丹崖裏夜光盈尺出飛魚柏葉浮  
珠寒藻起幽箔連錢生綠花切玉蠻刀如切水九譯來朝萬里  
天北風不動明玕死

行路難

塞帷取流蘇流蘇不解連環解離情別思出君懷教人枉結流  
蘇帶作書報天孫河翻浪動七香軺折伊蘭兮捐艾蕭伊蘭化  
作榛中草美盼何須比目魚六翮安用頻伽鳥文駕宛頸奈枝  
連不如見月生羽翰

七夕宮詞

內人拜月金鋪戶鳳宿梧枝秋葉下露華入袂玉階寒織署錦



工催祭杼月下金鈿照骨明同心結繪紅生縷素水碧竇上華  
樓夜闌颺馭下銀州

送厲生之天台

郎劉洞前藥草肥年：送春：不歸劉郎採藥路不迷路迷却  
是還家時人間藥盡採者稀醫師採藥歸來遲終南捷徑莫西  
去此在劉郎路迷處

代嘲舊人

吳王台前天地老羊家吹笛烟花繞羊郎到老不識顰昨日西  
施顰更好妾行自縮春風髻姊送出門車在道塗金兩袖石麟  
麟姊吐乾時碧如草睡花一夜滿妾身云是背後淖夫人

代玉山子答

建昌老夫吹簫管背花吹盡風花片雪中花老花未知我起開

簾納江燕夏姬引鏡春爭妍房老不出金谷園花奴豉急人人  
顧研光帽滑花難住

題海棠

東風吹墮緗雲影別院春遲宮漏永繡幃寶帶縮流蘇夢入瑤  
臺呼不醒熒：銀花燭藥多城頭烏啼柰曉何

題騎牛讀書圖

朝看書騎牛出去日上初暮看書騎牛歸來日欲晡朝：暮：  
看書卷還憲牛饑無牧芻家貧本分辛勤過平時敢望問工夫  
人生衣食皆有餘棄之不學將何如

中秋月

銀漢西流烏接翼回首人間化為碧瑤臺貝闌可避 三郎錯  
路歸魚鳧霓裳月裏親偷得却怪李暮偷壓笛

投外憲列職

浙右饒名宦天潢異眾流星華婺女分印薛越城秋長吏多佳  
政流人反故丘諸郎復為郡外憲此優游

銀谷澗山房

樓臺依水石石樹帶疎篁澗口有靈藥水西無夕陽天花空處  
沒春草定中長芳桂已飛盡有時妙香

次周剛善僧房牡丹韻

不擬維摩室春風步障開欲分清露浥故近白雲裁色奪人間  
艷香從天上来照華正繁富啼規莫相催

春日 二首

處：春風滿東皇信不偏蕪蕪窮遠岸梅柳共新年白水暖浮  
日碧山晴吐烟清時多樂事敢擬下居篇

細雨花陰重輕烟草色勻驚禽長避客嬌燕却依人絃管紅樓  
酒輪啼紫陌塵東風競遊賞因想杏園春

送張仲舉歸晉陽舉進士

挂帆謝公浦把酒闔閭城江柳不忍折春風當別行闔雲連楚  
暗隴月向吳生葉落長安道思君北問程

黃晉卿見過却歸烏傷

江雨間行人江千雨又新今朝下垂榻幾日望行塵冰雪鶯遷  
樹江湖雁得春非君被軒鑒懷抱欲何神

太霞洞

石林深處飢胡麻幾度登臨送日車雪到峰頭猶是雨雲生石  
上平成霞相看露下朝華草不放春歸冷艷花魏紫姚黃風捲  
盡人間蜂蝶到山家



越觀

吳根越角雨茫茫，石傘峯頭俯大荒。鳥道北來通禹會，雁程南去盡衡陽。雲移暫覺天河沒，月暗不知松影長。天姥若耶他日事，明朝采蕺下山梁。

溪亭

百尺層崖接翠微，潭空石影曉離離。雲隨白鶴翔千仞，月與青猿共一枝。不信水深騎赤鯉，曾因夢裏殺黃鸝。芳洲翠羽無人拾，自補山中白接羅。

翻經臺

石函朱几曙雲中，雲散高臺萬象空。枝重有時來白鳥，雨殘無處著晴虹。血書貝葉三年碧，秋入羅衣半袂紅。幾度山人同聽法，翠微深處石池龍。

少霞洞山居

二首

輕霞洞口採金芝，千歲山南聽竹鷄。煮石鼎中饒綠薤，封書燕外有丹泥。度關僧寄婆羅樹，入市傳木客詩。又挹瑤琴向陰壑，

青禽啄碎碧梧枝。

木客詩見江西圖經

烟霧霏、濕麝媒、文生碧硯、生苔天風拂地鳳笙下，楚雨入吳龍女回石壁。水花泉湧出海棠，春色烏銜來洞天。只在風塵裏，門外遊塵掃不開。

招隱岩

何年積蓋與山齊，樹轉峰回草迳微。野火裂為方解石，秋風不到寄生枝。誰來樹下看雲坐，半入人間作燕飛。箬笠岩前今淨社，寧須更草北山移。

紫薇岩

手種岩花對北峯花間無葉紫茸人行鳧雁不到處家在鶯  
花第幾重綠水值陰還又碧青春着樹却成紅紫霞漫入絲綸  
閣且伴山中白髮翁

飛花亭

昨日朝華照夕曛我看夕秀比朝茵松高猿見古時月花晚鶯  
添幾日春盛露囊中封藥臘無塵袖裏裹吳雲人間何用春長  
在只愛飛紅日日新

水亭

水鳳穿花照水明水禽衝浪動軒楹雲從薜荔衣中起雨向玕  
琪樹上生曲水傍人流白羽嬌花無語答黃鶯澗中日與山中  
日同上晴窓各自行

南軒

澗底菖蒲綠滿叢雲根水竹倚梧桐人來遠地見山碧月未冷  
時如日紅春水有聲通北澗晚花無信誤東風人間不是高寒  
地那得芳菲入夏中

臨花亭

芳草生烟葯在房鞋紅衣紫共芬芳丘園風雨三家市草木文  
章萬丈光花正欲言還寂默春無自性不堅良晚來只有鵝紅  
在莫放香絲取次黃

西峴峯

聽盡熙寧水樂聲斷碑無字寄荒亭庭雲歸僧舍樹皆濕犬吠獵  
園山誤鷹覆屋松陰遮日黑隔林春色着雲青故侯轍迹無尋  
處丞相題詩峴擬亭

上雲魏氏湖上精舍圖



湖上蘭舟水上亭有時水漲與階平亭前古樹經春發門外孤  
洲昨夜生海氣遙連育王塔層樓斜入會稽城山陰道士携琴  
至寫盡風聲到水聲

### 霜岩石室

洞天無暑亦無寒淑氣芳風不出山掃葉僧歸雲未濕賣花人  
去蝶先還滿庭修竹下黃葉千歲古松生綠烟盡道雪中依裸  
壤虛疑夏室是冰天

### 石磴

磴平如席草茸香盛夏宜人石氣涼杜宇血銷添碧嶙山鷄食  
罷化餘糧赤松有約吾將老白髮無愁不解長醉則枕流眠枕  
此看雲不復據胡牀

### 菊菴

秋深紅紫滿秋籬穠蒂纖莖綠照靡猿飲澗中甘菊水雲粘石  
上舊簑衣月知人境來相覓花有心情死不飛桃李自開還白  
落却疑晚卉未忘機

### 山房

冷雲堆裏散人家鹿幘羊裘不衣麻門外樹身無歲月山中人  
語帶烟霞雲侵壞納長生菌風斷遊絲半度花采叢林深人不  
見連筒引水自煎茶

### 麋谷澗

清流拂石下岩隈澗底菖蒲曳綠苔野鹿避人縣樹宿溪魚乘  
水上山來翠連春草誰能拈風觸石崖彊半迴自來入夏來涼  
意定更移修竹澗邊栽

### 伏蟾山

宋元詩會

卷之八十九

山上飛雲去不留山中蟾兔又經秋斗臨河曲侵鷄尾露上莎  
根到草頭綠桂花中歌白苧碧梧影裏飯青牛有時竹掃蟾蜍  
下滿腹丹書濕欲流

山館

石甌峰前綠草肥兔絲挾雨上梧枝天台道士拔龍去少白山  
人相鶴歸首宿帶叢初映日雕胡落釜半成糜石楠花落無人  
掃誰卧水陰歌采薇

春日閨思

白玉堂前雙燕飛堂中思婦怨殘暉臂環寄遠青蕪合瓊字題  
乾白雁歸醉倚合昏驚葉暗愁尋荳蔻妬花肥窓間昨日同心  
錦染罷香絲不上機

園

築園却欲留方士一室園中度歲年有客持雲坐盤石無人伴  
月出蘿烟晴晞白髮三千丈寒折朱絲五十絃玄圃方壺君莫  
問人問回首即神仙

玉雪亭二首

花遶亭臺水遶門壺中別是一乾坤銀蟾飛去秋無色白石長  
來雲有根樹印虬枝翻画譜僧調獺髓補詩痕相如健筆誰堪  
繼好聘詞華賦兔園

羽仙飛步駕青鸞仙袂臨風響佩環琪樹移根來月裏瓊花無  
夢落人間春回壠首梅先覺舟入山陰客未還我亦玉堂揮翰  
手他年鷓鴣造朝班

送蔡竹澗江山教諭

仙霞嶺與落霞齊乘興吟遊日未西簾影到池元是水穀紋浮





送方叔高賦得長安道

灞陵橋上秋風早行人曉出長安道長安城頭烏正啼長安陌  
上聞朝鷄征車遙行復止征馬蕭鳴不已將軍年少美且  
都黃金箭鏃雕玉壺未央殿進書罷諸生拜官辭石渠將軍  
歸去亦草長安道邊人羨好莫憐賈誼謫長沙不見馮唐禁  
中老

妾薄命

妾薄命當語誰身年二十八為嬌兒阿母歲不嫁女二十三  
十顏色衰天公兩手搏日月下燭萬物無偏私奈何醜女得好  
一生常在黃金閨美女如花不嫁人父母既沒諸兄癡寄書東  
家小姑道得嫁莫擇夫婚好他人好惡那得知失時不嫁令人  
老

越上

賀家河上又秋風放翁宅前東復東兩行雲樹忽遠近十里荷  
花能白紅遊人濯足銀潢上越女梳頭青鏡中我欲張帆上南  
斗扶桑碧海與天通

宿巢縣

旅食荆河吳改歲年春風行路思綿青山故遠周瑜墓明月猶  
窺亞夫前泉楚城荒餘画角巢湖日落有歸船天涯茅草淒綠  
漫為登樓憶仲宣

送陳杏林赴潮州醫學教授

三千驛路上灘船九品醫官半百年藥市得官添月俸杏林收  
穀當公田北書漸覺江鴻遠南食初嘗海蛤鮮不用越巫驅瘴  
癘家傳取衛生篇



古長信秋詞二首

缺月流光入綺疏金壺傳箭夢回初秦臺彩鳳無情消息桂影空  
閨十二除

輦路青苔雨後深銅魚雙鑰畫沈沈詞臣還有相如在不得當

時買賦金李五峯擬古樂府與楊庶夫齊名今集內不傳一字當為拙目妄刪也

吳王納涼圖

六月長洲水殿涼酒酣渾袖倚新妝芙蓉露冷秋雲薄迴首西  
風響屨廊

遊良嶽

一沿河堪役萬民一峯將使九州貧江山假設方成就真箇江  
山已屬人

寄朱希顏

江邊鴻雁下年々客子何由兩鬢玄七十二灘秋月白荻花風

落釣魚船

張昱

字光弼雷陵人早遊湖海為雲集張翥所知楊左丞鎮江  
刺辟參謀軍府事遷杭省左右司員郎外行樞密院判官  
天下用兵藩府官不出張氏多侵官惟勢不窮策其必敗  
超然物表左丞死棄官不出張氏欲禮致不應策其必敗  
題蕉葉寓意烏居西湖壽安坊今之花市也貧無以庀廬  
凌彥州為疏募金繕葺之明初被徵至京問其老厚賜放

歸年八十三卒

白鴿雀歌

烏桓城下白鴿雀雄鳴雌隨求飲啄有時決起天上飛告訴生  
來羽毛弱西河伶人火倪赤能以絲聲代禽臆象牙指撥十三

絃宛轉繁音哀且急真靈子舞進腸團衫擊帶分兩傍玉纖

羅袖柘枝體要與雀聲相頡頏朝彈白鴿雀貴人聽之以為樂

變化春光指顧間萬葉千花動絃索只今蕭條河水邊宮庭毀  
 盡沙依然傷哉不聞白鷓雀但見落日生寒烟賦白鷓雀者多  
 此可得作  
 由歌之

歌風臺

此間快意寧有此亭長還鄉作天子沛宮不樂復何為諸母父  
 兄知舊事酒酣起舞和兒歌眼中盡是漢山河韓彭受誅黥布  
 戮且喜壯士今無多縱酒極歡留十日慷慨傷懷淚沾臆萬乘  
 旌旗不自尊魂魄猶為故鄉惜由來極樂易生哀酒水東流不  
 再回萬歲千秋誰不念古之帝王安在哉莓苔石刻今如許幾  
 度西風灞陵雨漢家社稷四百年荒臺由是開墓冢

陪宴相府得芍藥花有感

醉吐車茵愧不才馬前蝴蝶趁花回玉瓶盛是露扶春起錦帳圍  
 燈照夜開垂白敢思溱洧贈歌紅還是廟廊裁楊州何遜空才  
 思惟對高寒咏閨梅

惆悵三首

三山夢斷彩雲空幾把長箋賦惱公画閣小杯鸚鵡綠玉盤纖  
 手荔枝紅春衫汗裊薔薇露夜帳香回茉莉風惆悵近來江海  
 上卻將鞍馬學從戎

画船湖上載春行日日花香扇底生蘇小樓前看洗馬水仙洞  
 畔坐聞鶯碧飛花杏渾相識紫燕黃蜂俱有情惆悵繁華成遊  
 水盡歸江海作潮聲

惆悵當年使酒來娼樓紅粉夜相催可憐明月三分在不見瑤  
 花半朵開誰復醉翁堂下柳更堪從事閣中梅楊州一片青  
 草誰信春來無雁回



湖上漫興

湖上新泥雪漸融  
門前溝水暗相通  
裙欺萱草輕盈綠  
粉學櫻桃淺淡紅  
暮雨欲來銀燭上  
春寒猶在酒樽空  
青綾被薄不成夢  
又是一番花信風

秋興

一秋涼風便覺秋  
楚人多感月生愁  
金盤露水何曾見  
紈扇恩情未肯休  
零落梧桐宮井上  
稀疎楊柳御街頭  
近來只得麻姑信  
說道蓬萊更可憂

感事

雨逼湖樓作晚寒  
此心時暫酒邊寬  
杞人唯恐青天墜  
精衛難期碧海乾  
鴻雁信從雲裏過  
山河影在月中看  
洛陽橋上聞鶻  
處誰識當時獨倚闌

贈沈生還江州

鄉心正爾怯高樓  
况復樓中賦遠遊  
客裏登臨俱是感  
人間送別不宜秋  
風前落葉隨車滿  
日下浮雲共水流  
知女琵琶亭畔  
去白頭司馬憶江州

演法師惠紙帳

銀燈夜照白紛紛  
四面光搖白穀文  
隔枕不聞巫峽雨  
繞牀唯走剡溪雲  
風和柳絮何因到  
月與梅花竟莫分  
塞北江南風景別  
卻思毡帳舊從軍

墓中呈楊左丞

免胄日趨丞相府  
解鞍夜宿五侯家  
玉杯行酒聽春雨  
銀燭照天生晚霞  
世亂且從軍旅事  
功成須捧御筵花  
漢王未可輕韓信  
尚要生擒李左車

石與青天近溪雲白客眠低自然堪下淚不是有猿啼

水殿納涼圖

別殿紅綃女無風亦自涼欄邊是湖水夜夜宿鴛鴦

別劉博士

祇為情如雨從教醉似泥免看楊柳色相送出城西

柳花詞

滿院長條散綠陰誰家門戶碧沈沈地衣不許重簾隔雪白  
鋪一寸深

婆留井

錢王初生時將棄井中婆留奮之故乳名婆留既貴以鏐代留字

舊日婆留井未堙石闌苔蘚上龍文而今率土俱臣妾莫願皇  
天產異人

題吳綵鸞寫韻圖

小點紅鸞欲下遲遠山渾似画來眉如何一念人間事上界仙  
曹便得知

春日

一陣東風一陣寒芭蕉長過石闌干只消幾箇情騰醉看得春  
光到牡丹

耀宗吉云此詩刺淮張用事諸人也

輦下曲

守內番僧日念叫御厨酒肉按時供組鈴扇鼓諸天樂知在龍  
宮第幾重

似嫌皎日破愚昏白晝尋常一鈞軒男女傾城求受戒法中秘  
蜜不能言

劉躍



宗宗起其先南唐駙馬之後徙居薑陵其地名中州故自  
歸中州釣者雖性警敏讀書過目成誦釣之立遮粹以大肆  
力于文章徵聘為中樂而志老親集若干卷未川吳孟勤  
四方之士講學其中樂而志老親集若干卷未川吳孟勤  
題為美之嘉其學之有本也

園樂為國賓先生賦

君不見金谷平泉恣歡譁異石奇花成海嶽寧知富貴生百憂  
一旦荆榛總寥落灘江先生隱者流數畝荒園即為樂爪哇新  
雨長更鉏橘井青天甘自鑿生意隨時灌野芳餘香暇日收仙  
藥倦來佳句獨長吟醉裏濁醪還更酌不讓習家兼有池絕似  
温公乍居洛前年丹詔急賢良高卧白雲辭好爵東鄰公子帶  
橫金北里老翁田負郭從渠五鼎厭修饌自問杯羹飽藜藿世  
路風波不暫停柴門烟月應如昨我亦江湖垂釣徒直釣兼恨  
多蛟鱷明當抱瓮託幽棲尺書書先寄東飛鶴

梅村歌為金溪王用霖賦

王先生有高趣家在梅村最深處清溪一派遠孤村種得寒梅  
千萬樹年年凍雪封林園羣木生意俱斬然忽驚一蕊破香玉  
直與天下春爭光先絲花爛熳相高下彷彿枯梢晴雪亞光涵冰  
樹不勝秋影入瓊林欲無夜先生巾屨獨行吟看花繞樹羣幽  
深奚奴不覺錦囊重發興兼有龍蜃吟笑殺西風明月冷負卻  
暗香與疎影絕似羅浮仙者流妙處無言心自領

讀書樓為侄以安賦

阿咸新起讀書樓十二欄干五月秋萬卷烟雲香墨潤一燈風  
露碧窓幽新題華扁為迴鸞鳳高捲朱簾近斗牛不用金篋遺孫  
子好傳鷓鴣籜前修

和送石維高之泉江

愛君吟思浩無邊眼底交遊最少年開口已誇成玉唾論心編  
得醉金船鳳凰瑞世鳴初日鴻雁排雲上遠天此別但應勞夢  
想高標梧竹淨娟娟

沙渚盟鷗

平沙白自渚初晴好共羣鷗訂舊盟斜日荒涼雲影落清風浩  
蕩雪衣輕海翁坐對應相約狎客行隨亦不驚卻笑當筵舞鸚  
鵡疎慵久已謝浮名

良月宴于棲適愛賦殘菊

菊殘猶有最高枝棲適齋前足自怡深夜雪霜金瑣碎清晨風  
雨玉離披魏公不負題詩好陶令空嫌送酒遲憐爾秋香渾未  
減餐英回首更何之

寄石為黃大賦

相對憐孤石由來出四溟一峯支瘦骨千穴見奇形空洞含天  
趣嶮巖毓地靈鰲移愁重負龍擘帶餘腥巧斷慚羣匠神鞭謝  
六丁晴雲時吐白陰蘚間書青花木恢餘地琴書列廣庭願言  
題琬琰珍重列圖經

張伯遠

字可久號小山善製詞曲評者謂其清而且麗華而不豔若披仙風招海月當以九方皋之眼相之

錢祝直清

朝餐粗林橡夕飲虎窟泉幽棲不逸于道為未全是以少微星  
含輝麗中天雲蘿謝招隱冠帶趨興賢魯生贊制作高老安疑  
然董子述徵驗賈權誼明經權威德有遭逢志士無棄捐長貧  
若忘世一出垂千年析海楚山阿賦詩水江邊寂寞思古人中  
懷為君宣



周密

辦草窓以樂府知名其出處籍里弗著惟成廷珪集中有送周密尊師歸廬山太平宮蓋元末詞人晚而學道者也然難直定為黃冠故不附張雨之後

有懷袁李源

江樓深夜倚涼入鬢蕭蕭人隔東西浙心隨早晚潮風高孤月暈河淡萬星搖欲寄今宵意新鴻或可招

南園

清芳堂下千株桂猶是韓家舊賜園白髮老翁和淚說百年中見雨平原

吳當

字伯尚澄之孫也當幼承祖訓以穎悟寔稱長通經四庫照磨未上用薦者改國子監助教預修金宋三史書成除翰林修撰遷國子博士歷監司丞業祭酒侍制翰林改

禮部員外郎起監察御史轉禮部郎中再入翰林為直學士時江兵起大臣有薦當才可任政事者特授江西補江西諸軍郡當召募民兵所至克捷連定建昌撫州二郡為總兵卒掩其平賊功狀于當與賊通而火你赤者雅不善當亦力掩其平賊功狀于當與賊通而火你赤者雅不善當當著書友諒遣人辟之以死拒不屈終隱廬陵逾年病卒年六十五所著有周禮纂言及學言稿

潯陽舟中

百年頭上著烏紗一日江邊踏釣槎病似相如空有賦貧于杜甫更無家漁歌楚下蕪葭月樵笛村下躑躅花事已隨兵燹盡青門惟守邵平瓜

宋元詩會卷之九十

倪瓚

倪瓚

後學程

任松皋叅較

字元鎮無錫人本大家子元季知天下將亂盡散其貲財遁遙吟諷兼寓意畫圖遂稱名手所居有清閨閣雲林堂而清閨尤勝古墨妙器悉藏其中晚年避亂來往江湖多寓琳宮梵刹明洪武甲寅年六十八始歸鄉里時已無家寄居鄒氏而卒

春日雲林齋居

池泉春漲溪暎苔夕陰滿諷咏紫霞篇馳情華陽館晴嵐拂書幌飛花浮茗盃階下松杉黃窗間雲氣暖石梁蘿葛垂翳之行踪斷非與世相違冥栖久忘返

玄文館讀書

真館何沈：寥廓神明居陽庭肅宏敞丹林鬱扶疎曠言茲遊



息脫屣榮利區  
 檐椽初日麗  
 池臺涼雨餘  
 焚香破幽寐  
 飲水聊舒徐  
 潛心觀道妙  
 諷咏古人書  
 懷澄神自怡  
 意愜理遺無  
 誰云黃虞遠  
 泊然天地初  
 迴首撫八荒  
 紛攘蚍蜉如  
 願從逍遙遊  
 何許崑崙墟

蕭閒道館聽袁南宮彈琴是日風雨蕭然有感而作

玉琴轉清亮  
 風雨更飄飄  
 疎桐蔭高館  
 朱槿耀芳條  
 生物曷可遏  
 撫事發長謠  
 弱齡陪清讌  
 櫛髮想垂髫  
 相見日已老  
 離居夢且遙  
 秋江渺雲水  
 去鶴影搖

夜泊芙蓉洲走筆寄鍊師

芙蓉猶滿渚  
 疎桐已頽霜  
 泊舟菰蒲中  
 吳山隱微陽  
 因懷靜默士  
 竹林閔玄房  
 煮茗汲寒澗  
 燒丹生夜光  
 憶與鄭郊輩  
 閒咏步修廓  
 時予有所思  
 顧瞻重徜徉  
 庭下生苔蘚  
 牖間繙詩章  
 奕勢

鄭老勝酒榼  
 郊生將雅歌  
 雜詠諧列坐  
 飛羽觴子歸  
 日已晚  
 栗亦傾筐

列本

止此揮手輒謝別  
 暮宿荒城傍  
 遲明趨所期待  
 子鄭公堂晨往遂至昏  
 企望徒悵乃嗟真仙馭固非世  
 所望惻理歸擢泛秋浦長還尋甫里陸叟醉山陰  
 王素冠斯馳贈喜知終未忘余茲將遠適旅泊猶彷徨  
 微風動虛碧初月照石梁曠望對清景賦詩託陳郎  
 茯苓思同煮夜雨共匡牀

和答吳寅夫對雨見懷

溽雲變陰晦  
 零雨隨風濤  
 的皪集蓮池  
 飄飄酒蘭皋  
 朱絲緩瑤瑟  
 綠錢生寶刀  
 撫事增慨慷  
 端居倦遊遨  
 處世每慚柳  
 懷人徒咏陶  
 脆質愛靈藥  
 閒情宣弱毫

述懷

讀書衡茅下  
 秋溪黃葉多  
 原上遠山被  
 褐起行歌  
 依墟里間

農叟荷篠過萼林散清月寒水淡無波遐哉栖遁情身外豈有  
他人生行樂耳富貴將如何

早春對雨寄外張外史

林外苦泥雨憂來不可絕  
披帷望天際春風吹木末  
飛蘿散成霧細草綠如髮  
念子獨高世南山修隱訣  
撫弄無絃琴招邀青天月  
神安形不凋跡高行自潔  
思之不可見饑渴何由歇  
願為鸞鵠翔南遊拂松雪

走筆次陶蓬韻送葉叅謀歸金萼

手把玉芙蓉青天騎白龍  
出入人間世飛鴻踏雪踪  
瑤草祭可拾群峰森玉立  
壁月挂天南離三星斗涇  
君管枉山時玉韞山有輝  
因同白雲出夏與白雲歸  
白雲無定處詎只山中住  
河漢其縈紆經天復東注  
金萼牧羊人遊戲不生嗔  
笑拂岩前石行看海底塵  
手調白羽箭陋彼磨銅硯  
一語不投機歸歟寧再見  
用士始郭隗全趙終相如  
項王疑亞父竟爾龍為魚  
擾何時已百年聊寄耳良也  
報仇歸言從赤松子去山  
今幾年還山大學仙天台  
司馬宅雲氣近相連

戊寅十二月丹丘柯博士過林下賦詩次韻以荅

積雪被長坂臥疴守中林  
山川雖云阻舟楫肯見尋  
傾蓋何必舊相知亦已淡  
驚風飄枯條清池冒重陰  
聯翩雙黃鵠飛鳴綠水潯  
顧望思鬱紆徘徊發悲吟  
願言齊羽翮金石固其心  
歡樂何由替黃髮期滿簪

古詩送友仁賢良之京師

吳山朝靄外闔門春雨餘  
超忽孤帆遠天末浮雲舒  
君今北闕遊我栖南山廬  
荷鋤事耕作閉戶詠詩書  
高林鳴禽曙青苔行



迹疎還期茅簷下一枉故人車

贈惟寅 陳汝秩高士

隱几方熟睡故人來扣扉一笑無言說清坐澹忘機衣上松蘿雨袖中南澗薇知爾山中來山中無是非三十不要妻四十不出仕消搖岩岫間翳名以自肆何曾問理亂豈復陳美刺高懷如漢陰終老無機事

送惟寅

春江煙靄綠遠樹明清旭歸雁影斜鳴聲斷復續陳君挂帆去似與雁相逐水際白雲度山中甘雨足安得從耦耕柴門蕪松菊去且入城懷抱向誰傾姚公有古道虛夷多遠情俾爾遂高隱狂歌樂幽貞

聽錢文則彈琴

牛鳴野竅中鷄登山木上黃鐘雜姑洗春容以清亮別鶴暮鳴飛流水春演漾愛爾絃手忘令我形神暢憶替擅能事宋袁余所向錢君生獨後超軼絕塵鞅操琴晚聳道月斧揮天匠杳如清廟瑟朱絃聽歎唱古道久寂寞古音亦淪喪促軫淚沾纓歌詩重悲悵

為張來儀賦匡山讀書處

廬山鬱嵒堯上有香爐峰影落碧天外翠玉琢芙蓉牽蘿讀書處雲磴無行踪猶遺石岩苔花開紫茸愁心飛春雪寶劍沈雙龍應化蘇耽鶴歸栖千歲松仙岳採芝叟久別倘相逢

題驪山圖

校獵上林苑洗馬昆明池霜威肅笳鼓雲氣画車旂馬班陳賦咏衛霍綏蠻口王風既未遠文明方枉茲逶迤霄漢上鳳凰尚

來儀

送馬生

送子淮南行繫丹江岫柳翠影舞晴煙落我盃中酒舉杯向落日春水浮天碧時見白鷗飛雪光翻綺席應笑披羊裘獨釣漁邊石

黃本中書齋為寫寄傲窗圖

庭樹綠交蔭時鳥語清綿春竹羅筍夏花敷沼蓮慨然三季後契彼羲農前古井汲修綆空齋絙素絃長歌歸去來悟彼陶公賢終尋桃源崦息景窮幽玄

為徐有常畫葉湖別墅

葉湖水淪漪松陵枉其西望見吳門山波上翠盾低白蘋晚風起寒煙遠樹齋水蕉籠筆格露柳罩金堤居貞寧汲旅泊自

栖栖屏處觀魚鳥風雨夜烏啼

煮石山房

汲澗煮白石雲栖南澗隈敲石發新火荆薪藉餘灰坐候升降理靜觀寒燠媒遂忘石鼎沸乍疑山水來丹成同此術鶴化詎能猜我亦餐液清淺笑蓬萊

九日過彥行用韻一首

蕩舟煙景晚舉杯當素秋黃花忽在眼白髮仍滿頭臨流發悲悼援琴歌楚調罷席更淹留明月波間照何事鹿皮翁逃名隱屠釣

題趙若巖龍山精舍

我生倦馳騫無機如漢陰重遊古蘭若對山開我襟風流李謫仙賞靜諧夙心琅然哦新詩如聳大雅音回首石林晚白雲花



雨溪

蕭閒館夜坐

隱几忽不寐竹露丁冷。青燈淡斜月薄帷張寒廳躁煩息中  
動希靜無外聆宵然玄虛際詎知有身形

雙蛾精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露草晨興面流  
水西望吳門道不知人事劇但見青山好

偶成

積雨不甯休蕭條使人愁哀吟四壁靜病卧不蟲秋開門望原  
野江湖漭交流誰能載美酒為我散煩憂

送章鍊師并寄鄭有道

良覲忽云阻桐花今亦繁落日滿洲渚揚舫念孤騫因懷息機

叟蘊真從灌園晨掃石上雲佇子接清言

冬日窗上水影

日池浮湛淡霞牖上縈迴敷腴三素雲昭耀青蓮臺高流輝自  
下含漪斂復開尸坐以默觀靜極自春回

雲泉為王光大賦

高齋面絕壁林密徑難尋風落松上雪零亂幽磻隱皓潔映鶴  
驚清圓和瑤琴閒咏以自樂聊用忘箒簪

懷寄強行之常州學官

君在兩溪上年。楊柳春提壺坐柳下邀我見情真青葉已垂  
帶白花還覆蘋別來今見柳思爾采芳芹

己卯正月十八日與申屠彥德遊虎丘得容字

余適偶入城本是山中客舟經二王宅弔古覽陳迹松陰如亭

午嵐氣忽斂夕欲去仍徘徊題詩滿苔石

杜真人聽松軒

計籌白石頂香有丹丘生和玉飲晨露褰林餐絳英止鶴眠松  
驚螢火照書明為善得仙道

泊舟

泊舟嘉樹下開牖碧江潯慨然念黃落景憇清陰多暇觀魚  
鳥容與一登臨蛻迹塵喧久欲寡天機淡

貞松白雪軒分韻

境靜塵盧清雨餘山光變池館閔虛閒琴樽申繾綣蔚哉春木  
榮憩我飛翮倦石間有題字苔蝕已難辨

寄楊廉夫

吳松江水春汀洲多綠蘋彈琴吹鐵篴中有古衣巾我欲載美

酒長歌東問津漁舟狎鷗鳥花下訪秦人

寄李隱者

南洲新月色照見水中蘋便欲乘清影沿源訪隱淪君住鈿山  
湖綠酒松花春夢披寒雪去疑是剡溪濱

寄韓介石

江上雨雲歇夕陽歌吹濛朱絃彈綠綺令我意韓衆魚戲弱藻  
下鳥飛明鏡中夢乘清浦月直過雪溪東

贈友生

春林積雨晴江渚烟波綠谷鳥語綿蠻澗泉聲斷續蘿逕無來  
踪空山葦伐木時援清琴坐還同白雲宿

龍門茶屋圖

龍門秋月影茶屋白雲泉不與世人賞瑶草自年々上有天池



水松風舞淪漣何當躡飛鳧去采池中蓮

尋友人不遇

洲渚多落英源流尋遠山輕舟載美酒搖蕩綠波間俯詠拾瑤草遐思隘塵寰黃綠忽失遇悵望遂空還

次張仲舉韻

秧疇蔣已遍午饑休中林忽聳輶車至攬衣欣慨溪遂尋修竹下其憩西澗陰汲泉以煮茗遐哉遺世心

池蓮詠

迴翔波間風的歷葉上露清池結素彩萼月映微步雲陰花房斂雨歇芳氣度欲去拾明璫踟躕惜遲暮

徐氏南園對雨

櫻桃花欲落風雨暮淒迷忽憶郊園日竹林通澗西弱蔓滋野援

蘭葉長芳畦念我當時友蒿萊沒舊蹊

與張貞居雲林堂宴集分韻得春字

青苔網庭除曠然無俗塵依微樵筵接曲密農圃數鳴禽忽變夏疎花尚駐春坐對盈樽酒欣從心所親

奉謝張天民先生

鳴雁將北歸裴回舊栖處江湖春水多欲去仍回顧稻粱豈予謀繒繳非所慮猶為氣機使暄冷逐來去寥々天宇寬彼此同一偶風萍無定踪易散聊為聚君看網中魚狂疾猶相吻

丙子歲十月八日夜泊閭門將還溪上有懷友仁陸徵君

明發辭吳會移舟夜淹泊空宇垂繁星微雲暝前郭沈々抱冲素悄々傷離索歸掃松逕苔遲君踐幽約

雨中寄孟集

英、西山雲翳、終日雨清池散圓文空林絕行屨野性夙所  
賦好懷誰其語燒香對長松相與成賓主

次韻姑蘇錢塘懷古 二首

釀酒劔池水玉壺清若無揮盃送落月仙鬼共歌呼松間燈如  
添白骨漫寒蕪

江山國破後弔古一經行輦路苔花碧御溝菰葉生古跡今寧  
有新城江上橫

題王元用秋水軒

秋水如玉涵綠蒲玉壺美酒清若無佳人倚窗調錦瑟文君勸  
酒坐當壚替年種柳遶漢南樹今搖落人何堪惟有年、秋水  
至翠煙石黛漾晴嵐開軒清映臨秋水斜日荷花淡相倚凌波  
微步襪生塵交甫凝情珮還委

餘不溪詞

開玄館在餘不溪濱距溪無百步上清王真人所立流溪冬  
夏盈演玉光澄映與他水特異故為名焉庚午歲春因市藥  
過浙江趨便道將歸梅里俯斯水而悅之沂流間詠盥濯平  
津顧瞻壇宇近在東麓遂舍舟造其下真人為出酒脯燕嘯  
巖洞竟日乃返悠、徂歲忽已十有七寒暑矣余既為農畝  
畝身依稼穡復爾政繁奔走州里欲為管遊其可得乎鍊師  
下騫物表閒情夷朗周覽宇宙將還真館余因仿像疇昔之  
所覩極道山之清婉追賦短章以餞斯別

餘不溪水綠生蘆放舟演漾當青春舟隨鶴影忽行遠洞口桃  
花飛接人雲松蔽虧席儼在溪東之石壁羽人垂衣坐鼓簧饋  
我晨餐芝菌香從茲更發洞庭渚濯髮成池臨故鄉



歲已酉八月十四日寓甫里之野人居劉君元暉邀余酌

酒快雪齋中對月理咏因賦長句

涼月紛々疑積雪凝暉散彩白于銀此詩獨酌開軒坐便欲刺  
溪尋隱淪爾營茅齋名快雪我醉行吟踏秋月河漢無聲風露  
寒心境冷然一高潔

送潭州魯總管

翩々文鷁飛渡淮歲蕤五采下天階西疇昨夜雨初徧田父謳  
歌有好懷湘潭山色隨輕轂談笑來為北州牧隔岵桐林散綺  
霞三月洞庭春水綠

趙千里扇上寫山用鄭山人韻題

誰見解衣作盤礴卷懷雲烟歸掌握春雨冥々江水波竹間日  
暮衣裳薄零落王孫翰黑餘越王臺殿久荒蕪要知人好画亦

好愛比當年屋上烏

送徐君玉

閩江之水清漣漪隔江名園多荔枝閩中女兒天下白越波飛  
漿逐鳧鷖擢歌清綿洲渚濶蕩漿落日令人悲蠻煙怪雨忽冥  
密蔣芽蒲葉相參差此中勝事不為少徐郎遠遊牽我思

醉歌行次韻酬李徵君春日過草堂

昔聞杜陵之茅屋汀花冥々汀樹綠舊題新詠荅年華種木行  
椒繞山麓石牀丹竈青琅玕春渠流水夜潺湲當年寶劍淪黃  
土空餘山月照波間今我不樂懷往古短世絲々誰比數花下  
欣逢李白來汀鳥溪童亦歌舞酒酣長嘯五情熱軒冕何榮築  
岩說邈然抗節餓首陽何異佯狂抱貞潔君歌已竟歌我詩賢  
愚榮悴百年期少文豈愛壁間画老疾俱來難命駕仰視翕忽

浮雲馳安得乘螭與雲化楊紫夢滿晴天迸聲春雷驚醉眠李  
候神清色不動手敲茶雪落輕烟相逢為樂誠草、竟欲攜君  
卧烟島城郭秋風白鶴飛海上餐霞不知老

至正十三年三月四日同章鍊師過張先生山齋壁間見  
柯敬仲墨竹因懷其人其詩文書画鑒賞古跡皆自許  
為當代所少狂逸有高岳<sub>海</sub>之風但目力稍恕耳今日乃  
可得耶

柯公鑿書奎章閣吟詩作画亦不惡圖書寶玉尊鼎解文彩珊  
瑚光錯落自許才名今獨步身後遺名將誰託蕭、烟雨一枝  
寒呼爾同遊如可作

贈顧定之

輕薄絲、新少年論詩作賦如湧泉為雲為雨手翻覆背面傾

擠當面憐阿翁七十仍踰四與我同心生並世高臥白雲餐絳  
霞草堂門對靈岩寺

贈陶得和製墨

麋膠萬杵搗玄霜螺製初成龍井莊悟得廷珪張遇法古松烟  
細色蒼、桐花烟出潘衡依後升龍柳枝瘦請看陶法妙非常  
一點濃雲瓊楮透

送呂養浩之紹興

賀監宅前路荷花今亦無空餘湖上月照見水中蒲送爾作官  
幽絕處錢塘江頭飛柳絮聽事臨堤滿夕嵐時有沙鷗自來去

題張氏叢竹軒

高軒自虛曠幽竹亦叢生苔石寒依玉風泉夜炙笙治冠輕可  
着醞酒綠因名好折青鸞尾仙壇掃月明



秋日贈張茂實

久客東海上秋風吹練裳  
放言愛莊叟笑癖如陸雲  
采藥清晨出哦詩靜夜聞  
滄浪可濯足吾與爾為群

為文舉畫泚山圖因題

萼亭西畔路來訪舊時踪  
月浸半江水蓮開九朵峰  
酒杯時可把林叟或相從  
興盡冷然去雲濤起壑松

次韻酬彞齋見詒

荆溪丘壑遠暇日得躋攀  
野客時相過高人意自閒  
敲門看修竹卜宅近青山  
勝事今寧有幽吟一解顏

送僧

聞說四明道山川似若耶  
去依阿育塔還宿梵王家  
野井封殘雪江船聚晚沙  
光公強健否持底作生涯

寄徐仲清

岩谷採靈藥蕭條栖道情  
白雲簷下宿海鶴階前鳴  
燕俎登春菌晨餐脯竹萌  
時憑五泄水好過蘭陵城

畫竹贈王光大

荆溪王隱士相見每從容  
借地仍栽竹巢雲獨傍松  
青苔盤石淨嘉樹綠陰重  
約我同栖遁蒿高第幾峰

題漁樵友卷

釣渚復樵山逃名宇宙間  
一篙春水淨半畝落花閒  
鷗鳥時親狎松雲共往還  
厭聞塵世事緬邈不相關

題元朴上人壁

蕭條江上寺迢遞白雲橫  
坐待高僧久時聞落葉聲  
鳴夷懷往事張翰有餘情  
獨擢扁舟去門前潮未生

寄王叔明

能詩何水部愛石米南宮允矣英才最居然外祖風釣絲烟霧  
外船影画圖中他日千金積陶朱術偶同外祖謂子昂也

悼項山清上人

幽曠山中樂飄飄物外踪梵餘閒憩石定起獨哦松花落春衣  
靜雲垂澗戶重依、種蓮處林暝只聞鐘

高進道水竹居

我愛高隱士移居水竹邊白雲行鏡裏翠雨落階前獨坐敷書  
席相過趁釣船何當重來此為醉酒如川

賦雪蓬

手把玉塵尾身披素綺裘梨花縈夜月柳絮入虛舟不作饑鶩  
咏其如載酒遊因懷剡溪興烟水暮悠悠

甫里

甫里林居靜江湖遠浸山漁舟衝雨出巢鶴帶雲還漉酒松肪  
滑敷首楮雪間春風一來過似泊武陵灣

荒村

踞、荒村客悠、遠道情竹梧秋水碧荷芰晚波明穴鼠能人  
拱池鷺類鶴鳴蕭條阮遥集幾屐了餘生

寄虞子賢

天潤海漫、崑山望眼寬桃源迷晋世松樹受秦官雨蘚鹿迹  
遍霜梧鷺影寒封題數行字聊問竹平安

酬彞齋

秋氣入幽居堦前樹影疎筋骸渾懶慢服食轉清虛薄晚魚潛  
渚新晴溜繞除茯苓期共煮悵望苦吟餘

宋元詩會 卷之九 十三 鈔本



聽雨

樓上看春雨玉笙悲遠天辛夷紅蘸水楊柳綠搖烟冉之侵書  
幌冥之涇釣船新愁嫌點滴自不到鷗邊

題丘氏壁

我愛丘君宅蕭然隱者風石邊蒙細篠井上植高桐墨沼鷺群  
白雲窗藥蕙紅咏歌當上巳修禊樂融之

貽文舉

波光浮翠閣苔色上春衣楊柳鶯啼遠櫻桃鳥啄稀榮名非所  
慕登覽意忘歸沔水宜修禊重来坐釣磯

賦得機微君荆南精舍圖

結廬溪水南勝處足幽探夏果落山雨春衣染夕嵐石鼓招鶴  
磴門俯射蛟潭日之紫歸夢蕭條雪滿簪

寄王叔明

幾夢山陰王右軍筆精墨妙最能文每將竹影模秋月更愛山  
居寫白雲秘笈封題饒古跡雅懷蕭散逸人羣今年七夕聞多  
事曝画繙書到夕曛

八月三日與劉道益連林夜話風雨淒然五日開霽道益  
賦詩見貽次韻

扁舟小泊菰蒲雨玄論卻消身意塵空寂室中無侍者蕭條雲  
外不羈人酒杯畏病寧復舉燈火新涼差可親嫻之秋風振庭  
樹綠波芳草似初春

春日送別余秀才

翼之高帆開遠天綠波芳草隨輕春林風雨集憂思茅屋琴書  
移晷眠文采由來庾信少草聖近誇張旭顛百年聚散如落葉

葉行客居人誰可憐

春日試筆

喜看新酒似鶯黃已有春風拂草堂  
二月江南初破柳扁舟晚  
下獨鳴榔苔生不碍山人屐  
花發應連野老牆美酒已拚千日  
醉莫將時事攪愁腸

用王叔明韻題畫

王郎筆力追前輩海岳新圖入卧遊  
獨鶴眠松猶驚露孤猿挂  
樹忽驚秋陶潛宅畔五株柳  
范蠡湖中一葉舟同煮茯苓期歲  
暮殘生此外更何求

居竹軒

翠竹如雲江水春結茅依竹住江濱  
階前迸筍從侵遲雨後垂  
陰欲覆鄰映葉黃鸝還自語  
傍人白鶴自能馴遙知靜者忘聲

色滿屋清風未覺貧

送杭州謝總管

南省迢迢阻北京張公開府任豪英  
守臣視爵等候伯僕射親  
民如父兄錢廟有碑刊夜雨岳墳無樹着  
秋聲好將飲食濡饑渴何待三年報政成

寄熙本明

白首遙知得道餘不聞詩思近何如  
高齋夜雪同誰話古木寒  
山獨自居夢裡只尋行去路  
愁時聊讀寄來書夕陽溪上多飛  
鳥若箇能看影是虛

送徐子素

山館留君才一月梅花無數倚霜晴  
垂簾幽閣團雲影貯火茶  
爐作雨淡竹每容馴鹿卧  
青山時與道人行歸舟載得梁溪雪



惆悵鄰鷄月四更

三月一日自松陵過華亭

竹西鶯語太丁寧斜日山光澹翠屏春與繁花俱欲謝人如中  
酒不能醒鷗明野水孤帆影鷗沒長天遠樹青舟楫何堪更  
滯待窮幽賞過華亭

顧仲贄來聞徐生病差

室裏維摩病已瘳竹爐藥鼎雨聲秋一畦杞菊為供具滿壁江  
山入卧遊舟外鷗波情浩蕩窗間蝶夢思綢繆虎頭癡絕從談  
謔煮茗聊為半日留

西野對雨有懷明本諸公

怪雨顛風裂芰荷鷗飛歷亂水驚波便須掃地焚香坐豈有高  
人載酒過笠澤至今能養鴨山陰何處更籠鶯重陰忽霽猶斜

日惆悵思君奈老何

奉和虞學士寄張外史

華陽上館誰曾到知有高人避世深當戶春雲團紫蓋洗空花  
雨散青林丹臺篆迹龍蛇動經閣松聲鸞鶴吟念子離居消息  
遠幾將書札寄遙岑

杭人有傳余死者貞居聞之愴然因賦此以寄

果園橘熟誰分餉茅屋詩成懶寄將衰謝皆傳余已死迂疎真  
與世相忘夜分風雨鷄鳴急天濶江湖雁影長寥落百年能幾  
面論文猶及重銜觴

次張伯雨潘子素酬唱韻

團團桂樹覆巖阿茅屋歸來雪一窩高卧丘園竒氣托倦遊江  
海故人多楚山白雁遵寒渚練水長魚出素波去々南州書問

宋元詩會 卷之九十 十六 鈔本  
少寂寥誰和紫芝歌

寄張德常

身世蕭々一羽輕白螺盃裏酌滄瀛逍遙自足忘鵬鷄漫浪何  
須記姓名石鼎煮雲聽澗雨玉笙吹月和松聲憑君為問張公  
子曾到良常夢亦清

上巳日感懷

石梁破屋路欹斜似華陽道士家漠々春雲飛別鶴潺々夜  
雨雜鳴蛙閒看稚子翻書葉時有鄰翁汲井花日莫傷心江水  
綠共舟人已躡飛霞

三月廿二日雨懷荆溪勝遊寄原道

我昔繫舟尋杜牧荆溪流水落川光春茶已放仙人掌露蘚渾  
侵玉女林酒闌更踏水間月舞罷猶彈陌上桑此日狂遊忘旦

暮十年回首意茫茫

謝伯理東還訪之不過

謝眺宅前山黛濃山雲飛墮墨池中攜家又作々鄉夢歸擢還  
隨落葉風鶴入暝烟愁浩渺鷗浮遠水思清空尋君不過成惆  
悵江草青々岸蓼紅

東林隱所

侵扉桃李晝陰々耕鑿居人有遠心一夜池塘春草綠孤村風  
雨落花溪不噴野老羣爭席時有遊魚出聽琴白髮多情陸徵  
士松間石土續幽吟

送僧遊天台用張外史韻

四明山水名天下師去那知客路遙雪霽驚鷹騰宿莽月明寒  
鵲集疎條坐尋雲頂千峰石歸趁江頭八月潮說與住山光老



子送賓也合過溪橋

過許生茅屋看竹

舟過山西已夕曛許生茅屋遠人群  
鑿池數尺通野水開牖一規  
由白雲煮藥烟輕衝竈出  
碓茶聲遠隔溪聞可憐亦有玉猷  
興堦下新移見此君

失鶴

啄粟巢松泰華峰直將天地作樊籠  
不聞丁令歸華表應馭王喬  
入太空行迹縱橫苔石上  
寒棲依舊竹林中清齋我亦厭腥  
腐長歎思乘萬里風

中秋脾疾不飲有感

經旬卧病掩山扉岩穴潛神似伏龜  
身世浮雲度流水生涯煮  
豆爨枯萁紅螺捲碧應無分  
白髮悲秋不自支莫負尊前今夜

月長吟桂影一伸看

北里

舍北舍南來往少自無人覓野夫  
家鳩鳴桑上還催種人語烟  
中始焙茶池水雲籠芳草氣  
井牀露淨碧桐花練衣挂石生幽  
夢睡起行吟到日斜

山園

春水鳧鷖野外堂山園細落橘花香  
栖身身世画盈筐漠漠風  
笑竹本桃栽已就行無禮法也  
須從俗着冠裳不營產業人應  
笑竹本桃栽已就行

林下遣興

眼見藤梢已過牆手拈書卷復堆林  
閒臨水檻親魚鳥欲出柴  
門畏虎狼冠製不嫌龜殼小  
衣裾新剪鶴翎長從來任拙唯踈

宋元詩會 卷之九十一  
十八 鈔本  
懶一月秋陰不下堂

二月十日玄文館聽雨

卧聽夜雨鳴高屋忽憶陂塘春水生何意遠林饑獨鶴若為幽  
谷滯流鶯成叢枸杞還堪采滿樹櫻桃空復情二月江頭風浪  
急無機鷗鳥亦頻驚

雪後過陳子貞隱居

陶公卜宅南村裏快雪初晴一遊樹辨微茫來獨鶴槽搖教側  
散輕鷗墨池繞涵春水滿塵榻緜書夕照收相見惘然如有失  
掉頭吟咏出林丘

贈別益以道書記

一笑相逢豈有期因懷西崦話移時李公祠畔空餘月陸子泉  
頭舊有詩旅思悽非中酒人情落似殘棋雲濤眼底三生

夢鷗影秋汀又遠離

寄張貞居

不但入城踪跡少南鄰野老見猶稀狂歌衰鳳聊自慰舊學屠  
龍良已非蒼蘚渾封麋鹿逕白雲新補薜蘿衣羊君筆札誰能繼  
欲讀靈文一扣扉

題孫氏雪林小隱圖

天地飄搖一短篷小窗虛白地爐紅脩然忽起梨雲夢不定仍  
因柳絮風鶴影襍篔簹上下鹿迹散漫屋西東杜門我自無干  
請閒寫芭蕉入畫中

思歸

久客懷歸思惘然松間茅屋女蘿牽三杯桃李春風酒一榻菰  
蒲夜雨船鴻迹偶曾留雪渚鶴情原只在芝田他鄉未若還家



宋元詩會 卷之九十一 鈔本  
樂綠樹年年叫杜鵑

夜作古木怪石因題

夜遊西園渚初月光炯炯徙倚巖石下爰此林中影

題秋亭曉色圖

園林夏雨歇旭日照蒼苔誰見竹亭裏孤坐興悠哉

題良常草堂圖

結屋正臨流水開門巧對長松為待神芝三秀移居華蓋西峰

田舍

山鳥下窺窗牖春風時拂蓬蒿避世須鄭谷作書已絕山濤

雲溪佳處

誰覓雲溪佳處渚花汀竹迷葳蕤去鶴原邊倚杖浮鷗波上鳴榔

謾題

田父聊同爾汝狂夫從門何如昔日揮金豪俠今朝苦行頭陀

水仙花

曉夢盈、湘水春翠虬白鳳照江濱香魂莫逐冷風散擬學黃

初賦洛神

追和戎昱寄鍊師

雲霧軒窗倚半空少霞銘處識新宮遙看一片秋仙色鶴影徘徊

徊明月中

雙井院前小立

山色微茫好放船秋蕖野水夕陽邊西風更洒菰滿雨羨爾沙

鷗自拄眠

次韻曹都水

夜寒館裏挑燈宿山罽重敷六尺牀隱几蕭條聽塢雨竹林煙

幕煮茶香

次韻春雨

黯黯春雲映戶輕  
綠蕪斜日忽開晴  
依微野徑泉侵畫  
風落桐花遠思生

絕句

醉喚吳姬無踏筵  
風欄花陣亦回旋  
愁生細雨寒煙外  
詩在青蘋白鳥邊

別潘先輩

君來煙草正淒迷  
君去溪頭柳葉齊  
枉席中流竟東上  
莫重回首向荆溪

寄友

二月江水清接天  
楊柳隔江搖落煙  
一夜愁心似春雪  
隨風舞影落君前

影落君前

竹枝詞

春愁如雪不能消  
又見清明賣柳條  
傷心玉照堂前月  
空照錢塘夜夜潮

題畫

樓閣參差霞綺開  
峰巒重複水鶯迴  
赤欄橋外垂陽下  
步月吹笙向此來

六月五日偶成

坐看青苔欲上衣  
一池春水靄餘暉  
荒村盡日無車馬  
時有殘雲伴鶴歸

二月十五日雨作

風軒紅杏散餘霞  
堤草青青桃欲花  
寒食清明看又近  
滿川煙



雨亂鳴蛙

題畫贈崔子文

性癖居幽每起遲，一來溪口意淒迷。  
林亭曉色蒼茫裏，目送風帆過水西。

贈曹德昭

谷口桐林落絳霞，仙帆初泊野人家。  
蕭閒館裏青苔合，看到階前芍藥花。

客舍詠牽牛花

小盤承露淨鉛華，玉顆依稀染碧霞。  
弱質幽姿娛我老，傍人籬落蔓秋花。

清明後題

野棠花落又清明，楊柳青人耦耕春。  
物闌珊成底事，半江疎雨

暮潮平

追和蘇文忠墨蹟卷中詩韻

奎章閣下掌絲綸，清淺蓬萊又幾春。  
三十六宮秋寂，金盤冷露泣仙人。

聞竹枝歌因效其聲

細山湖影接松江，橘葉青、柿葉黃。  
要寫新詩寄音信，西風斷雁不成行。

看花士女圖

畫圖常識春風面，雲霧衣裳楚。裁為問人春，幾許石欄西畔牡丹開。

剖瓜士女圖

月弯分破翠團圓，六月人間風露寒。  
誰覓東陵故侯去，但知華

屋薦金盤

煙雨

煙雨空濛遠樹齊人家樹底自成蹊只應二月吳松尾渚際維舟聽竹鷄

蘇臺懷古

望中煙草古長洲不見當年麋鹿游滿目越來溪上水流將春夢過杭州

宋元詩會卷之九十一

阮桐陳

焯默公輯選

後學程

仕松泉叅較

楊維禎

字庶夫會稽人泰定丁卯進士署天台尹改錢清場蓋司  
獨直寡諧十年不調後遷江西儒學提舉未上值兵亂避  
地富春山徙錢塘張士誠屢招不往又忤達識丞相自蘇  
徙松江主盟詞壇東南鴻雅造訪其廬戶屢恒滿喜戴華  
陽巾披鶴氅吹鐵笛作梅花弄因號錢崖慕之者以為神  
仙中人也明初徵諸闕廷容考禮文魚定元史即以白衣  
乞骸骨歸抵家而卒年七十五所著  
書數百卷其擬古樂府尤為擅場

赤莖篇

吳鉤父悖子楚邪臣逆君曷比赤莖精新鑄雙龍文作世無價  
寶三鄉何足論倚天落旌頭仰日裂飛雲一怒安天下持以奉  
至尊

海客行



海客朱雀航下有五鳳房三月發長干六月下淮陽清絲牽白日羅幕西風涼大姬動金露小姬彈空桑中姬執藥饌調兵浣肝腸海客睡不起明晏賽神羊

驪山曲

驪山鬱崔嵬宮闕金銀開月生鵝鵲觀雲遶鳳凰臺宮中紅妝子調笑春風媒青鳥銜中去乳鹿送花來天王太白次地皇金粟堆石馬動秋色紫笛連暮哀只今瑤池水八駿渴生埃

要離塚

金昌亭下路春草沒荒丘云是要離塚令人生古愁侏兒三尺幹不佩隻吳鉤中包猛士膽白日照高秋忍死屠骨肉視身若蜉蝣荆軻不了恨慶忌成身謀如何五噫客死與爾同仇

香山篇

太湖西浜西施種香之所

放舟脂塘曲盤遊湖上雷雷鳴湖雨作還泊香山隈美人鬪香草上有九畹栽美人在何所搴芳招歸來露下荆棘草鹿上姑蘇臺

紈扇辭

團團合歡扇似此月嬋娟嬋娟有時缺我扇豈長圓秋風落桐葉我扇同棄捐不得如秋葉吹墜在君前

虎丘篇

路出女墳湖警蹕霸王驅靈池飛霹靂枯塚走於菟老禪猶點石仙鬼只疑狐祖龍來發閔銀海翩飛鳧

詠古

騷雅去已久宮體爭哇淫洛陽風一變枳性隨人心鄉關思蕭瑟作賦哀江南調入金釵臂亡國有餘音

采菱曲

箬下清塘好清塘勝若耶鴛鴦飛鏡浦瀟瀟睡銀沙雨漿夾螳  
臂獲柳交犬牙照波還自惜艷色似荷花袖惹紅萍濕裙牽翠  
蔓斜大堤東過客背面在薰葭日落江風起清歌雜笑哇

道旁騎

春風扇官道官柳黃金條道旁百金騎俠氣爭春饒竹間小桃  
花媽如董嬌燒下馬隔花語疑是花中妖

梁父吟

步出齊城門上陟獨樂峯梁父昂雉堞蕩陰夸鬣封齊相殺三  
士杵臼不能雄所以梁父吟感歎長嘯翁吁嗟長嘯翁相漢起  
伏龍關張比彊冶將相俱和同上帝弃炎祚將星墜營中抱膝  
和梁父梁父生悲風

送客洞庭西

送客洞庭西雷堆青兩兩陳殿出空明吳城連蒼莽春隨湖水  
深風將潮聲長楊柳讀書堂芙蓉采蓮漿懷人故未休望望欲  
成往

夏駕石鼓辭

在夏駕山高一丈徑三尺下有  
盤石為足謬云石鼓鳴三吳兵

周家十圍鼓散落陳倉野猶有夏駕石盤盤駕之下秦鞭血山  
骨吳獵焦野火夏鼓建不板石鳴知者冥父老思識言山空石  
長啞

陳祖檜

在長興大雄寺檜中空裂為四支垂蔭半庭堅如金石相傳  
陳高祖於梁天監年手植于此大雄寺即高祖之故宅也  
陳皇有遺宅廸在烏山中當時手所植花木羅青紅獨有左紐



樹閱世如龜龍懷哉手植人不見三閣崇後庭種玉樹金井凋  
秋風

勸農篇

今日當假我縣守初出郭出郭到誰家田父有新約桑陰抽屨  
屨石碛度畧狗田父喜我耒釀酒出杯杓招徠道上岷賣刀買  
黃犢水南駕漁梁水北築墻屋十分麥上場兩番蠶上箔願承  
吏不妖重願水不惡呼婦殺黃雞重話田間樂

家仕歎

小仕時為農古有當會稽豈皆食其官以官養旄倪千金買作  
郡萬金收滿車三年逋郵傳誰以民為家

覽古十二首

單父七絃琴為治務感興十金南門木立令務必行單父有成

言夜漁若嚴刑南門能徙木不能徙民情以此知巧信不如拙  
而誠

恭儉漢天子取士忌少年未應絳灌徒庭中冑妨賢徒為宣室

名復有長沙遷不見馮都尉

唐龐眉竟誰憐

郭解本大俠睚眦殺人威當其出邑屋獨不殺倨夸屬吏脫踐  
更卒感肉袒來此事寔近道可以俠少之

出關棄孺子南征笑狂生左右無黃髮淫夫挾之行戮殺漢使  
者君臣起大兵尉佗羈漢綬何曾請長纓

子陵江海客本非沮溺倫仁義立奇論豈果忘吾民狂奴作故  
態飄然歸富春客星犯帝座太史奏天文故人信符讖三公等  
浮雲

董卓劫茲明荀爽次以及伯喈蔡邕子龍獨何人申屠該笑却嗟嗟

高視果場上片雲卷而懷古來高世士塵埃豈能埋

襄陽有高士生產不曾治何以遺妻子鹿門有深期籍籍齒牙

論龍鳳名諸兒諸葛拜林下可是圮橋師

汝南許文休喪亂一驚士敢當諸葛拜合受立德鄙士論推指

南無乃失減否乃知即公曾排擯有公是

洛陽輕薄子挾彈走春嬉結交金谷友諂事賈午兒茂棄慈母

訓乾沒不知幾感已賦閒居猶以拙自悲

我愛王懷祖面壁舊人罵不必少掾時瞋目荅米價福中頓有

容坦之詎能過桓桓大將軍漢業在出跨

韓信卜母地旁置萬人廬郭公卜鄰水長洲偶成墟千秋楊子

寔投棄同江魚裸髮何為者厭魅開群愚孰借神丁火焚却青

囊書

鄭州跛男子德師識者惟客師素客師深沉有容量不為同列知

唾面戒其弟俛世一何卑君看白水澗沫額宣鴛鴦

按虞山翁編鐵崖詩於西湖竹枝詞之尾附見和章十數家

而女子薛蘭英乃最後一人也蘭英所和止於絕句而已其

後接排覽古諸作仍係鐵崖集內詩近見坊選竟以屬之蘭

英此大誤也觀者辨之

箏策吟

張猩猩嗜酒復嗜音春雲小宮鸚鵡吟猩猩帳底軋胡琴一雙

銀絲紫龍口瀉下驪珠三萬斗劃然大豆爆絕絃尚覺鶯聲在

楊柳神絃夢入鬼工秋湘山搖江江倒流玉兔為爾停月白飛

魚為爾躍神舟西來大官坐栲栳噉絲啁啾聽者惱張猩一曲

獨當筵乞與五花金線襖春風殘絲二十年江南相見落花天



道人春夢飛蝴蝶手弄金瓢合黃葉張猩猩淚如雨面如霞勸  
爾更盡雙叵羅白頭吳娥年少歌金缸悲啼柰樂何

內人阮琴圖 為頌瑛作

花點吳益春欲老翡翠飛來煮芳草美人睡起春思深彈絲附  
木寫同心荔枝五絃調急緩阮家月琴軸初縮須臾鈞天雙合  
樂南熏殿中風動幕梁園樂官樂不鳴宮中之音和且平

內人吹箏詞

天寶年來教春坊紫雲製曲吹寧王美人何處竊九漏耳譜亦  
解傳伊涼鷓絃轉斷黃金軸獨據湖林弄橫玉冶情忽逐野鶯  
飛十指紅蠶迷起伏御溝水暖浴鷓鵲天地久無征戰聲芙蓉  
楊柳自搖落豈識黃雲邊塞情西樓今夜月色午內人思仙望  
河鼓白日蕭條鳳不來井梧風動神鳥語

內人剖瓜詞

轆轤索退垂金井水殿風來晚花淨美人睡起袒禪紗照見臂  
釵紅肉影荔子漿酸搖左車阿母新進朱陵瓜侍奴手浴井花  
冷水冰金盆擊掌窠鸞刀未破圓玉斗斗破紅冰驚落手玉郎  
渴甚索相嘲可忍食殘團月四

屏風謠

瑠璃怯寒翡翠熱芍藥芙蓉四時絕深堂氣候異冬春門外酸  
風箭入骨匡林毳毼踏香雪紅姬扶醉醉眼纈金缸皎皎照羅  
襪阿瞞嬌郎慎輕劣隙光射人如白日

西溪曲

西溪溪口東岡道楊柳陰陰春欲老花間繫馬我曾來紅雨傷  
春迹如掃美人勸我金卮漿玉臺贈以盤龍寶願作西溪一水

魚趨爾音顏為予好城南將軍同醉倒殞宮今已生春草

### 湖中女

湖中水滑如脂湖中女芙蓉安湖中小漿蕩蓮葉唱得吳王白雪詞輕裾利屣踏雁足為客高歌射明目生年不作人家婦東人西人喚恩主主家薄倖恩不終歸來抱瑟彈孤鴻

### 琵琶怨

蜀絲鴛鴦織錦緇羅檀鳳凰斷金槽絃抽甕繭五色毫雙成十指聲嘈嘈冢頭青草天山雪眼中紅冰嵬下血哀絃悽斷感精烈池上鞋賓躍方鐵

### 周郎玉笙謠

絲竹之器貫古今而聲不可以變者惟笙也潘安仁謂笙總衆清之林衛無所措其邪鄭無所容其淫者是以樂記曰竹聲濫濫焉以立會若笙又立會之要者故夔以儀鳳鳥接浮丘之仙也於序下俚哇沸笙師之教幾歇矣金華周郎琦獨聰於此余嘗靈巖虎阜間聞其奇呀令人飄飄然有伊洛間意時坐客句曲張真居東海倪元鎮昆丘頌仲瑛雲丘張仲簡吳興郊九成咸名能詩者也余為賦玉笙謠一首且率諸君子同賦余又為引之如此

周郎學仙吹玉笙玉笙吹得丹山七十二鳳之和鳴魯侍瑤池阿母讌坐中調笑董雙成謫向人間赤松洞洞口桃花苦迎送南尋二女湘水頭十三哀絃不成呀西洞庭東洞庭相逢鐵笛銅龍精從我吹春玉臺上叢霄不許謝玄卿

### 毛女

沙丘腥風吹腐龍華陰毛竹藏雙魚

叶

宮中雨露不可食啖松



啖柏留春容桃花流水迷紅霧十二峯頭度朝暮自是婵娟有  
仙骨入海徐郎豈知故衣沐雨鬢柳風榭葉楚楚山花紅秦樓  
舊鏡掩明月咸陽目送雙飛鴻

羅浮美人

海南天空月皜皜三山如拳海如治綠衣歌舞不動塵海仙騎  
魚波嫋嫋翩然而來坐芳草皎如白月升林杪洗粧不受瘴烟  
昏縞袂初逢鴻欲矯手持君山老人笛黃鶴新腔知者少江南  
吹斷桃葉腸雨聲夜落巫山曉

昭君曲

塞雁向南飛明妃西嫁幾時歸塞酥入饜損漢食朔風中人裂  
漢衣朔音不通言語譯分死薄命穹廬域君不見越中美人嫁  
姑蘇敵國既破還陶朱嗟嗟孤塚綠草碧祇博呼雙白璧

篳篥吟

春風吹船下揚州夜聽篳篥聲江月流故宮搖落楊柳哀客子於  
邑山陽愁明朝此聲不可求乃知朔客杜寬者手持悲篳尋南  
遊邊笳拍中愁未休龜茲角筦親編收王門歷盡及五侯翩然  
鴻飛不可留遂材既訪柯椽鏤更協鳳鳴崑崙丘卷蘆易地鳴  
隴頭城南思婦歌牽牛欲絕未絕一縷抽劃然石裂千丈湫叫  
噪鵝鶴飛蛟虬洞庭之水天東浮杜寬杜寬藝絕優藝隱豈比  
閔張儔為君賞美酒不惜千金裘和我君山鎮邪篳爾與同登  
黃鶴樓

李夫人

絕代一佳人美色如洛妃春月為作眉上顰秋水為作眼中顰  
歌瓊鞋舞玉枝君王有情不自持玉枝一夜摧瓊鞋一朝落君

王之心何以樂若有人兮有若無來遲遲兮去促促芙蓉葉上  
清露結晴光倒射金虹滅山為雲海為雨何得分明夢中語素  
娥影沒百子池靈風吹散綵霞姿

虎威將

虎威將何鋒稜曾斬故人雙涕零不隨漢水死樊城歸國欲為  
秦孟明虎威將謁高陵不如白馬將先軫賜策圖丹青

的盧馬

大耳主呼阿盧阿盧努力託我千金軀檀溪水深不見底阿盧  
一躍三尺餘君不見當陽橋沔水度一雙羽翼真都護豈知阿  
盧論功不在關張下

亂宮奴

亂宮奴錦襜褕淫如秦嫪毐驕如馮子都春風永巷花龍駒內  
家官爵賤如土昨夜宮奴官上柱葦衣篋帶血魂啼石子岡頭  
天嘯雨桓桓虎將吞熊貔燕席豈受宮奴欺虎將死作椎鬼夢  
中擊奴奴不起

老馬戀棧豆

曹爽以桓範鄉里老宿持禮之及懿起兵召範範以車駕在  
外乃南出懿謂蔣濟曰知囊往矣濟曰範則智矣駕馬戀棧  
豆爾爽必不能用也範勸爽計皆不從爽乃投刀於地曰我  
亦不失作富家翁範笑曰曹子丹佳人生汝兄弟純犢何耳  
圖今日坐汝族曹真五子皆封侯真字子丹懿圍爽第四角  
起高樓令人在上察動靜

老馬戀棧豆棧豆不多時老駕老待死豈復千里馳哀哀純犢  
子身隨六龍飛老駕空獻策純犢復何為純犢子窟室方聚鹿



五侯宅前起高樓智囊乃是都鄉侯

夕陽亭

夕陽亭馬超超車驅驅問高貴今何如夕陽亭行且止白沙一  
信南風起千載鬪骸夜生齒項成大府攝鬼豪論功闕剪當塗  
高竹書小兒既有罪夕陽老魅誅何逃於乎桐宮空斃金屑掌  
鴛鴦榼中牛繼馬

鳩酒來悲煬帝也

鳩酒來酒不來永巷閣門門已開十二小兒衣濺血只尺抽戈  
猜阿孩破木衝錦纜斷播郎不到流珠堂蕭娘已逐行春館練  
帶中髻榻板七寶焚衣孰長短

大健兒

唐太宗常曰當今名將惟李勣道宗萬徹而已勣道宗雖不

能大勝亦不大敗至萬徹非大勝即大敗徹自建成敗後嘗隱  
于終南山晚節再出乃為房氏不肖子所陷君子惜之

燉煌有力士自稱大健兒氣吞黃狼蠹義扶白鶴旗李家春宮  
子去逐春宮起海池敵虬髯不識真天子天子親評三大將鴨  
綠歸來肆驕宕快刀不斫兩牝妖魔足甘為羣鼠葬老荆盜弄  
金烏丸手持血日夢中還何如短衣足馬射猛虎老死不出終  
南山

石婦操 并引

石婦即望夫石也枉處有之詩人悲其志與精衛同不必問  
其主名也予為詞補入琴操云

峩峩孤竹岡上有石魯魯山夫折山華歲歲山頭歌石婦行人  
幾時歸東海山頭有時聚行人歸啼石柱石婦岑岑化黃土

大教謠

梁朝老檜昨夜死海聲已入西門市草中張伯懷璧子丹餅有書誰識此小夫爭爵幾時休二十四老前無傳黃金無方鑄髑髏樓船夢過西流洲更生靈香那得偷大樹夜聽聲如牛

公無渡河

公無渡河河水清兮不見泥公身非水犀狂風黑浪欲何濟公不能濟橫帆挂河西青頭少婦泣血啼有年不死將誰濟公死河靈伯妾死河靈妻

烏夜啼并引

古樂府烏夜啼者宋王義慶妓妾報赦之詞予為補之而少見規誡之義云

龍蔥高樹青門西夜夜栖烏來上啼報君凶報君喜願君高樹成連理啼夜夜八九子莫使君家高樹移烏生八九烏散飛

眉嫵詞

朝畫眉夕畫眉畫眉日生春姿長安已知京兆嫵有司直奏君王知君王毛舉人間事不欲人間夫婦私

胭脂井

井無水荒龍椅不得如巴馬子仰天夜見黃姑星水底嘍嘍話紅鬼井中之人不殉死宮人斜在雷塘趾

平原君

平原君起朱樓美人盈盈樓上居槃跚跛波彼何叟美人一笑槃跚愁門下士引去不可留美人高價千金直千金不惜美人頭君不見帷中婦女觀跛者一笑五國生戈矛

馮家女并引



漢司隸馮方之女也避亂揚州素術見而悅之遂納焉甚愛  
幸諸婦思害其寵語之曰將軍貴人也有志節當時時涕泣  
憂愁以長見欽重馮氏從之後諸婦因共絞殺繫之廁術誠  
以為不得志而死也

馮家女綠髮盤雙鴉離亂棄鄉土聘入將軍家將軍愛幸諸婦  
妬顏色粹美無疵瑕掩鼻襲餘術淚眼啼春華馮家女昨日堂  
上人今朝廁中鬼將軍不為疑司隸不為理道傍古冢生棘榛  
千年古憤何由伸嗚呼古憤何由伸

金臺篇

金臺起朔方金色照天光上有七十二鳳凰金居玉食高頡頏  
王不居心獨苦拜師禮士心逾下羣賢起南西東國恥一洗黃  
金空十年燕雌今日雄君不見姑昏何用黃金屋野鹿穿花豕

銜蓐

大難日

來日大難君不知焦心救力欲何為早知大難學安期煉煮丹  
石服靈芝大藥誤死世所嗤不如美酒千日可辟饑美酒不獲  
暢中腸千歲而死名為殤

白雪詞

癡雲蔦日日為黃白光半夜漏東方廣寒兔老玉髮蛻一剪岡  
風落人世錦宮肉屏香汗溶酒如春江氣如虹彩鸞簾額不受  
捲酒面洗作梨花風階下獅子積不壞十日瑤田換塵界金鉗  
取挂扶桑曉照見瑤田出寒葶

柏谷詞

柏谷險君勿趨君一趨龍為魚漿長豈識真龍軀賴爾老婦能

卷之九十一  
鈔本  
挽夫論報不賜誅眾長本無辜舉之羽林郎大將軍可奴

蹋鞠篇二首

江南女兒花娟娟五花繡出葵花圓蹋花上下雙文鴛  
雙文鴛玉連瑣髻斜斜馬初墜

金鞭齊傳馬上郎落花旋風掃毬場繡輪擲過東家墻東家墻  
噪雙燕平頭奴握便回

邯鄲弄二首

邯鄲市上美人家美人小襪青月牙繡襪對着平頭鴉平頭鴉  
塌場下包銀壺馱細馬

裙翻柳脚垂青空水風吹亂秋芙蓉湏臾氣喘如渴虹如渴虹  
索銀瘦轉轆轤飲金丹

雉朝飛

琴操有雉朝飛多拍犢牧子作據楊雄所記則曰雉朝飛者  
衛女傅母之所作也衛女嫁齊太子中道太子死問傅母曰  
且往當喪喪畢女不肯歸終之以死傅母悔之取女所自操  
琴於塚上鼓之忽有雉出墓中傅母撫雉曰女果為雉也言  
未畢雉飛而起故其操曰雉朝飛予以犢牧子之歎不如衛  
女之善死有關世教也故賦以補舊樂府之缺云

雉朝飛一雉挾一雌雌死雌誓黃泥歸衛女嫁齊子未及夫與  
妻青縞縮素結一死與夫齊人言衛女蕩且離焉得塚中有雉  
飛琴聲鼓之聞者悲

質絲詞

鳴鳩毋止棘止棘為摧薪女子毋質絲質絲為棄人相逢誓作  
同穴親六禮一失結髮不終身外為狂夫暴內為兄弟晒叶寄



語質絲女卜語不可信况乃卜非真

### 獨漉篇

古樂府獨漉篇為父報仇之作也太白擬之轉為雪國耻之詞予在吳中見有父仇不報而與之同室者處人理之滅甚矣為賦此詞

獨漉獨漉惡木濁

逐叶

仇家當族孝子免汙辱孝子軀幹小勇氣滿九州拔刀鞘中睨父仇父仇未報何面上父丘漆仇頭為飲器鬻仇肉為食噉頭上之天纜可戴

### 桓山禽

古樂府有上留田行上留之地有父死而兄不字其弟者鄰人為弟作悲歌以風其兄南俗兄違父命而虐其庶弟子父死之後者往往有焉故賦桓山鳥以繼上留云

桓山鳥鳴聲一何悲嚴父戒二子分財無嫡支父死未葬命已違兩枝荆花摧一枝嗚呼桓山鳥鳴聲實堪悲死隔別生流離百鳥聞之為嗟咨

### 結襪子

古樂府有結襪子大抵言感恩重而以命相許也太白擬之不亦然予以結襪子屬張釋之張釋之天下稱賢故為是詞漢家九陛飛秋霜公卿聚會立朝堂王生何人談老黃廷辱廷尉理不當廷尉跪結襪有如壯夫出跨下面無慚色神洋洋君不見黃石公進張良夏侯章低孟嘗長者之名從此敬

### 鍾離

鍾離 白頭深目凹鼻唇皮膚若烟面如塵手有五色之絲線為君補袞成天文漸臺之君荒且悖明朝夷臺作平地太子擇

日正儲位鍾離在宮齊國治

梁家守藏奴

將軍椒房親跋扈關如虎嗟嗟孫家兒豈識鳶肩主有司夜捕  
拏藏婢及人母紫金與白珠沒入將軍府吁嗟乎梁家婢何太  
苦不知將軍妻秦宮婦三主六宮七貴人明日飛花亂紅雨

大唐公主遠嫁行

朔聽謫忘劬勞外家未必凶飛鶻如何異口待同胞丹鳳下  
與梟為巢君不見大唐公主親嫁辱終唐老鶻來相鈔渡河歸  
來話涕泣後人猶以昏為交

城西美人歌

丙戌花朝後一日與客遊長城之靈山宴于城東老人所時  
借遊者城西美人靈山秀也酒酣作城西美人歌

長城嬉春春半強杏花滿城散餘香城西美人戀春陽引客五  
馬青絲韁美人有似真珠漿和氣能消冰炭腸前朝丞相靈山  
堂雙雙石郎立道旁當時門前走犬馬今日丘壑登牛羊美人  
兮美人舞燕燕歌鸞鸞蜻蛚蛺蝶爭飛揚城東老人為我開錦  
障金柈荐我生棋柳美人兮美人吹玉篴彈紅桑為我再進黃  
金觴舊時美人已黃土莫惜秉燭添紅粧

修月匠歌

按酉陽雜俎太和初有王秀才遊嵩山迷道見一人枕樸而  
坐曰君知月乃七寶合成乎月勢如丸其影則日燦其凹處  
也常有八萬三千戶修之予即一數因作修月匠歌

天公弄丸七寶鈿脆如琉璃折如線月宮匠人八萬戶勅賜仙  
厨瓊肩飯什什伍伍入杳冥妙手持天輕欲旋千斤寶斧運化



鈞混沌皮開精魄見昇家奔娥太輕脫須臾踏破蓮花瓣十二  
山河影碎中輪郭重完冰一片縹緲長懸玉曰飛堅牢永絕妖  
墓患封辭何用蟣蝨臣功成萬古蒙天眷一歸蘭路不知年兔  
子花開三萬遍

廬山瀑布謠

甲申秋八月十六夜予夢與酸齋遊廬山各賦詩酸齋賦彭  
郎詞子賦瀑布謠

銀河忽如瓠子決瀉諸五老之峯前我疑天孫織素練素練脫  
軸垂青天便欲手把并刀剪剪取一幅玻璃烟相逢雲石子有  
似捉月仙酒喉無耐夜渴甚騎鯨吸海枯桑田居然化作十萬  
丈玉虹倒挂清冷困

三男辭

塗山鐵冶家張氏婦一產三男人以為奇事予獨稽諸史傳  
而有唐檀子之隱憂焉

君不見崧人之妻產龍鶯駱家之婦生虎狸造物或好怪癡兒  
以為奇塗村鐵婦不画眉健手能運千斤椎懷妊不知十月期  
一誕三子如母豨鄰舍來賀子公相出茹茨親戚來賀子車蓋  
生光輝里胥馳走聞有司三豎內有麒麟兒陰陽者流來布推  
張家瑞鳳三聯枝我聞其言信且疑歷扣古牒如元龜硤石三  
生未言瑞南昌四孕徒招非有條給乳本句踐五羊十帛胡多  
儀他日唐檀驗後事不如介葛聞三犧

題楊妃春睡圖

沉香亭前燕來後三郎鼓中放花柳西宮困人春最先華清浴  
溶煖如酒雪肢欲透紅薔薇錦襜却盡流蘇幃小蓮敬擁扶不

起翠被卷作梨雲飛蟠龍髻重未勝綰燕釵半落犀梳偃晚漏  
壺中水聲遠簾外日斜花影轉琵琶未受呼喚睡促童黎腰春  
正熟不知小棚思塞酥夢中化作銜花鹿

### 盲老公

刺拜住哥臺長戊戌十月二十三日黨海寇用壯士椎殺之  
邁里古思將黃中禽拜住盡戮其家

盲老公侍御史崇臺半面呼天子白米紅藍十萬家鳳笙龍管  
三千拍門前養客皆天驕一客解散千黃苗太阿之枋忽倒擲  
搥殺義鵲招羣梟一客死百客辱萬夫怒一夫獨生縛老盲來  
作俘百口賤良一日戮過遣小娥年十五腰金買身潛出戶馱  
作倡家馬

### 銅將軍

刺偽相張士信丁未六月六日為龍井砲擊死

銅將軍無目視有準無耳聽有神高紗紅帽鐵篙子南來開府  
稱藩臣兵強國富結四隣上稟正朔天王尊阿弟柱國秉國鈞  
僭逼大兄稱孤君案前大勢十妖嬖後宮春艷千花嬪水犀萬  
弩填震澤河丁萬鍾輸茅津神愁鬼憤哭萬民銅將軍天假手  
疾雷一擊粉碎千金身斬妖蔓拔禍根烈火三日燒碧雲鐵篙  
子面縛向西為吳賓

### 周鐵星

張氏亡國亡于其弟士信趣亡于毒斂臣周依依山陽鐵冶  
子以聚斂功至上卿伏誅日曰錢穀益鐵籍皆枉我汝國欲  
富當勿殺我主者怒曰亡國賊不知死罪尚敢言是耶速殺  
之吳人快之或手額謝天曰今日天開眼也



周鐵星國上卿談申韓為法經釘箠杖為刑千倉萬庫內外盈  
十有三賦爭科名周鉄星鞭笞斂無時停開血河築血城血  
戰艦血軍營刮民膏吸民髓六郡赤骨填芻靈齊雲倚天一日  
傾鐵星亾國法當烹尚將六郡金谷數死丐萬一充虞衡嗚呼  
周鉄星十抽一椎百萬釘誓剗爾骸作溺嬰鐵星碎地啓噴天  
開顛音音

### 蔡葉行

刺倖倭臣蔡彥文葉德新張氏亡國由大弟致此寔由二佞  
丁未春二佞伏誅于臺城乾風其尸于秤刑者一月  
君不見偽吳兄弟四六七十年強兵富金穀大兄垂旒不下堂  
小弟秉鈞獨當國山陰蔡藥師雲陽葉星卜朝坐白玉堂暮宿  
黃金屋文不談周召武不論頗牧機務託腹心邊策憑耳目弄

臣什什引膝前骨鯁孤孤內囚拮去年東臺殺普化今年南垣  
殺鉄木鳳靈剖棺取含珠鯨海刮商刳沉玉鬻官隨地進妖艷  
籠貨無時滿坑谷西風捲地來六郡下披竹朽索不御六馬奔  
腐木舡支五樓覆大越先罪魁餘殃盡拏戮寄謝悠悠佞倖兒  
福不盈眦禍連族何如吳門市賣藥賣卜死亦足○按張士誠委政于弟士

信士信惟務酒色專用黃敬夫及蔡葉三人時民間有十  
七字謠曰丞相做事業專用黃菜葉一朝西風來乾鱉

二月十二日玉山人買百花船泊山塘橋下呼瓊花翠屏  
二姬招予與張渥叔厚于立彥成遊虎阜俄而雪霰交  
作未果此行先以此詩寫寄就要諸公各和

百花樓船高八柱主人春遊約春渚山塘橋下風魚雨正值灌  
壇西海婦桃花街口小蠻孌腰身楊柳隨風揚翡翠屏深未肯  
出蹋歌直待踏春陽喜聞晴語聲谷谷明朝豫作花遊曲小蠻

約伴合吹笙解調江南有于鵠

謝呂敬夫紅牙管歌

呂云度廟老宮人所傳物也滄江春娘蓋敬夫席上善倚歌以和余天忽雷者故詩中及之

鐵心道人吹鐵笛大雷怒裂龍門石滄江一夜風雨湍水族千頭嘯悲激樓頭阿太聚雙蛾手持紫檀不敢歌呂家律呂恹不和換以紅牙尺八之冰柯五絲同心結龍首曾把昭陽玉人手只今流落已百年不省愁中折楊柳道人吹春哀北征宮人斜上草青青吳兒木石悍不驚春娘苦獨多春情為君清淚滴紅冰

題伏生受書圖

瓜丘崩科斗藏典墳孰求楚左相金絲未壞孔子堂濟南老生教齊魯錦蕤禮官何足伍挾書巖禁禁未開盤詰誰能禁齊語百年禮樂當有興天子好文開太平百篇大義喜有託十三女口傳嚶嚶太常掌故親往受百篇僅遺二十九河內女兒還可疑老人屋中有科斗建元博士孔褒孫五十九篇為訓文嘉唐悼桀空有詔孔氏全經誰與論倪家書生能受學一篇薦上元非樸賞官得列中大夫帝軌皇塗未恢擴漢家小康黃老餘烏用司空城旦書音蓋音師言治在何處後世徒走陳農車陳農車漢成帝時人

明皇按樂圖

大唐天子梨園師金湯重付軋華兒何人端坐閱樂籍三萬纏頭不足支龜年檀板阿蠻舞花奴手中花如雨鈞天供奉真天人上亦親撾汝陽鼓玉奴檀槽倦無力忽窈窕哥手中笛邊風



吹入新貢簫銅池夜夢獲飛翼閤門邊奏塞鼙聰耳譜更訪明月宮漁陽一震萬竅聾梨園弟子散如雨惟有舞馬傷春風

冬青塚篇

老瓶夜射錢塘潮天山兩乳王氣消禿妖尚壓龍虎怪浮圖十丈高岑堯文山老客智且勇夜舟板山山不運江南石馬久不嘶塚上冬青今已拱百年父老憤填胸不知巧手奪天工冬青之木鬱蔥蔥六檟更樹蒲門東

鴻門會

天迷關地迷戶東龍白日西龍雨撞鍾飲酒愁海翻碧火吹巢雙狻猊增暗言范昭天萬古無二鳥殘星破月開天餘座中有客天子氣左肱七十二子連明珠軍聲十萬振瓦屋拔劍當人面如赭軍將下馬力排山石破青天撞玉笋

警枕詞

吳越王錢鏐自少在軍中夜來嘗寐倦極則就圓木小枕或枕大鈴寐熟輒歌而寤名曰警枕置粉盤于卧内有所記則書盤中比老不倦或寢方酣外有白字者令侍女振鈴即寤時彈銅丸于樓墻之外以警直更者嘗微行夜叩北門吏不肯啓關曰雖大王來亦不啓乃自他門入明日名北門吏厚賜之

不睡龍醒復醒珊瑚圓水搖金鈴五花寶筆芙蓉屏銅盤雪粉香淺清樓墻銅彈飛霹靂夜半更奴起辟易圓木功無與敵吳越封疆平地闢四世三王安衽席

宋元詩會卷之九十二  
一鈔本

宋元詩會卷之九十二

皖桐陳

焯默公輯選

後學程

壯松泉叅較

楊維禎下

寄韓李二御史同年

楊子十年官不調  
豈無詞賦列時髦  
青冥遠隔新持斧  
雨露猶同舊賜袍  
共喜諸公當北道  
却容獨客卧東臬  
斗牛清夜能回首  
一道豐城劍氣高

翡翠巢

羅浮花使先春到  
來傍玉樓深處巢  
舞雪艷翻楊柳絮  
歌雲輕壓海棠梢  
屏開時露鴉頭襪  
絃斷應銜鳳背膠  
却笑雪衣娘太劣  
雕籠深鎖未全教

多景樓

宋元詩會

卷之九十二

存素



極目心情獨倚樓  
荻花楓葉滿江秋  
地雄吳楚東南會  
水接荆揚上下流  
鐵甕百年春雨夢  
銅駝萬里夕陽愁  
西風歷歷來征雁  
又帶邊聲過石頭

至正二十三年四月淮南王左相徽行淞江步謁草玄閣  
夜移酒船宴閣所

微行誰識王丞相  
草履過門如野人  
太史遙遙瞻紫氣  
老夫急急裹烏巾  
子陵故友終辭漢  
張祿先生又入秦  
休說五湖天漾潤  
扁舟何處不容身

送貢尚書入閩

繡衣經略南來後  
運漕尚書又入閩  
萬里銅盞開越嶠  
千艘升斗買蕃人  
香薰茉莉春醒重  
葉撰檣柳曉饌頻  
海道東歸聞未得  
法冠重戴髮如銀

和盧養元書事

中原烟火半丘墟  
樓櫓相望白下孤  
蕃廝夜歌銅鈎鏘  
蠻姬春醉錦屠麻  
北征解賦盧才子  
西事時談劇霸都  
莫上姓名丞相府  
老夫著論學潛夫

嬉春體五首

錢塘湖上作

今朝立春好天氣  
況是太平朝野時  
走向南鄰覓酒伴  
還從西墅買花枝  
陶令久辭彭澤縣  
山公祇愛習家池  
宜春帖子題贈爾  
日日春遊日日宜

西子湖頭春色濃  
望湖樓下水連空  
柳條千樹僧眼碧  
桃花一株人面紅  
天氣渾如曲江節  
野客正是杜陵翁  
得錢沽酒勿復較  
如此好懷誰與同

何處被花惱不徹  
嬉春最好是湖邊  
不須東家借騎馬  
自可西

津買躡船燕子繞林紅雨亂鳧雛衝岸浪花圓段家橋頭猩色  
酒重典春衣沽十千今人呼段橋為斷橋可知其非矣

入山十里清凉國三百樓臺迤邐開岳王墳前弔東渡隱君寺  
裏話西來接果黃猿呼一個採花白鹿走千迴風波文采湖山  
主坡白應須屬有才

楊子休官日日閒桐江新擢酒船還叮嚀舊客兼新客漫浪南  
山與北山好懷急就一斗飲佳人能作五絃彈君看此地經遊  
輩彷彿春風夢未殘

又湖州作三首

三月三日雨新晴相邀春伴冶西城即倩山妻紗帽辨更須小  
將犢車輕好語啼春奏吉了仙姿當酒董雙成憑君多唱嬉春  
曲老子江南最有情

五十狂夫心尚孩未受俗物相嗔辱興來自控玉蹄馬醉後不  
辭金當杯海燕來時芹葉小野鶯啼處菜花開春衫已備紅油  
蓋豈怕城南小雨催

長城小姬如可憐紅絲新上琵琶絃可人座上三珠樹美酒沙  
頭隻玉船小洞桃花落香屑大堤楊柳掃晴烟明朝紗帽青梨  
杖更訪東林十八仙

無題效商隱體二首

二月皇都花滿城美人多病苦多情一雙孔雀銜青綬十二飛  
鴻上錦箏酒掬珍珠傳玉掌美分甘露倒銀罌不堪容易少年  
事爭遺狂夫作後生一作不堪容易潘郎老爭遣施朱作後生

天街如水夜初涼照室銅盤璧月光別院三千紅芍藥洞房七  
十紫鴛鴦繡靴蹋鞠句驪樣羅帕垂鸞口直粧願爾康強好眠



食百年歡樂未渠央

寄小蓬萊主者聞梅磻并簡沉元方宇文仲美賢主賓

羅浮主者是仙才東老諸孫亦俊哉風雨春城花落盡江山故  
國燕飛來酒盟自有烏巾在笑口應隨皓齒開十八仙人重會  
處刻灰不到小蓬萊

次韻奉答倪元鎮

坐斷深林事不聞西窗風日愛餘曛舊經高赤尋三傳新咏山  
王削五君翠篠侵林落蒼雪石池洗硯動玄雲東鄉書屋最相  
憶莫遣草堂移浪文

富春夜泊寄張伯雨

春江大汎潮水長布帆一日上桐廬客星門巷赤松底野市江  
郊淨雪初柱宿雞籠山頂鶴斗量黃網壩一作沙頭魚來青小閣

枉林表故人張登修夜書

懷家

楊雄有宅鄭里莊閒丘野水舊耕桑碧山學士銀魚棄錦里先  
生烏角箴自是秦人齊指鹿未能楚客廢屠羊王侯螿穴一夢  
覺歸作槐陰審雨堂

遊開元寺懋綠陰堂

韋郎句中尋畫寐刻灰不盡綠層層鴻文重記青城客內典新  
傳瀑布僧石佛浮江輕似葉神珠照鉢隱如燈杪櫛樹子風前  
落吹竊思公舊毳毳音榻登西域毛席大床前小榻以上香者

咏白塔

天山乳鳳飛來小東渡衣冠又六朝刻火不焚楊璉塔箭鋒猶  
抵伍胥潮燐光夜附山精出龍氣春隨海霧消獨有宮人斜畔

月多情猶自照吹簫

丹鳳樓

十二危樓百尺梯飛飛丹鳳五雲齊天垂翠蓋東皇近地拂銀河北斗低花靨秋空戎馬神燈夜燭海雞啼仙童與報麻姑會應說蓬萊水又西

夜坐

雨過虛亭生夜涼朦朧素月照芳塘螢穿濕竹流星暗魚動輕荷墜露香起舞劉琨肝胆在驚秋滿岳鬢毛蒼候蟲先報砧聲近不待萸鱸憶故鄉

關山月

長城飲馬窟飲馬馬還驚寧知嗚咽水猶作寶刀鳴  
聞雁篇

樓頭聞過雁隻影不成雙一夜狂夫夢相隨到九江

歸客誤

夜聞歸客騎玉轡鳴啞啞婦聞西窓秋風響桐葉

自居之出矣

秋風吹羅幃玉郎思寄衣多情雙絡緯啼近妾寒機

燕子辭二首

燕子將雛春又深不堪春思似秋心東郊春入車前草蕩子馬蹄何處尋

燕子來時春兩香燕子去時秋雨涼鴛鴦一生不作客夜夜不

離雙井塘

小遊仙二首

麻姑今夜過青丘玉醴催斟白玉舟莫向外人矜指爪酒酣為



我孽管篋

蓮葉舟高河漢垂黃姑玉女會佳期玉清久入衙城洞莫遣城都賣卜知

班婕妤好

長門不用買多才紈扇炎涼善自裁五鬼一言能寤主秋醴愁殺望思臺

趙昭儀

通仙門裏春晝長侍兒新擁試蘭湯君王空散黃金餅不見宮中赤鳳凰

馮小憐

前山校獵御同車一笑平陽等戰蝸換得候衣纔上馬琵琶已屬代王家

昉昉

塚上白楊今十年樓頭燕子尚流連銅臺多少叮寧恨誰向西陵望墓田

西湖竹枝詞四首

家住西湖新婦磯勸郎不唱縷金衣琵琶原是韓憑木彈出鴛鴦一處飛

勸郎莫上南高峯勸郎莫上北高峯南高峯雲北峯雨雲雨相催愁殺儂

石新戶下水連空飛來峯前山萬重不辭妾作望夫石望郎或似飛來峯

望郎一朝又一朝信郎言似浙江潮浙江潮候有時失臂上守宮無日消

吳詠五首

曾侍虛皇第二筵  
鐵仙輕脫故依然  
江州坐上初相見  
還識人中孟萬年

杜牧尋君苦未遲  
水晶宮裏舊題詩  
小鬟莫詠腰如束  
善唱白家楊柳枝

淮南八月雁初過  
奉使槎迴烏鵲河  
十里揚州花底散  
五陵年少已無多

江上梅花鉄石心  
江南腸斷越人吟  
南垣閣老多情甚  
才見花開便抱琴

黃菊初華客未歸  
登高自試芻羅衣  
真娘墓下好紅葉  
伍伯祠前多翠薇

宮詞十二首

宮詞詩家之大香奩也不許  
村學究語為本朝宮詞者  
多矣或拘于無用典故又或拘于用國語皆損詩體天  
曆年余同年薩天錫善為宮詞且索余和什通和二十  
章今存十二章

雞人報曉五門開  
鹵簿千宮泊帝臺  
天上駕鵝先有信  
九重鸞駕上都迴

每歲此禽先駕往返

開國遺音樂府傳  
白翎飛下十三絃  
大金優諫閑卿在  
伊尹扶湯進劇編

海內車書混一時  
奎章御筆寫烏絲  
朝來中貴傳宣急  
南國宮娥拱鳳池

薰風殿閣日初長  
南貢新來荔子香  
西邸阿環方病齒  
金籠分賜雪衣娘



宮錦裁衣錫聖恩朝來金榜揭  
天門老娥原是南州女思喜南  
人擢殿元

北幸和林幄殿寬鈎麗女侍  
婕妤官君王自賦昭君曲勅賜  
琵琶馬上彈

后土瑤仙屬內家揚州從此絕  
名花君王題品容誰並萼綠宮  
中萼綠花

十二瑤樓浸月華桐花移影上  
窗紗檐前不插益枝竹卧聽金  
羊引小車

金屋秋深露氣涼宮監久不到  
西廂丁寧莫竊寧歌笛鸚姆無  
情說短長

露氣夜生鵲樓井梧葉葉已知  
秋君王只禁宮中蠹不禁流  
紅出御溝

十三宮中善詞章長立君王玉  
几傍阿姁有才還有累宮中鸚  
鵡啄條桑

娥眉曠處不勝秋長蒂芙蓉小  
苑秋肯為君王通一笑羽書烽  
火誤諸侯

冶春口號二首

今年臘底無殘雪却是年前十  
日春騎馬行春橋上路密梅花  
發更撩人

吳下逢春春思濃不堪花發館  
娃宮吳山青青吳水白愁殺江  
南盛小叢

書扇寄玉函在瑤芳所書是日食金桃

昨日追隨阿母遊錦袍人在紫  
雲樓譜傳玉笛俄相許果出金  
桃不外求

先生以洪武庚戌夏五月  
辛丑卒此詩其絕筆也

張憲

字思廉會稽人自號玉筍山人因名其集曰玉筍明成化間全椒黃璵特為鏤版所作序言擬諸李杜復出詞雖溢美白詩清新典雅寔有可觀

荆卿歎

白虹貫赤日易水生淒風燕人盡悲憤相送冀城中筑聲何慘  
憾歌意哀無窮豈不念即往立堪羸政胸徘徊有所待匪畏秦  
帝雄自恨劍術疎未易了君事秣馬膏吾車我客久不至奈何  
遽相促苦未知人意丈夫重然諾斷臂死不辭但憐樊將軍九  
泉終見疑咄彼死灰兒曷足同等夸

巫蠱死

禪襪步搖冠曲裾紗縠衣偉哉燕趙士借問此為誰謁帝登犬  
臺利口興禍階能令親父子恩愛一朝乖血濺長安城屍橫泉  
鳩里雖族佞臣家不益儲君死望思思不歸至今天下悲請聽  
三老議兒罪只當答

銅雀妓

陵樹日沉西秋風石馬嘶芳樽傾總帳詎意濕黃泥恹恹笙歌  
合遙遙望眼迷玉人脆如草能得幾回啼

薄命妾

少長深閨裏面不識風吹自為薄情婦懶塗紅玉脂花軒背春  
睡月樹惱秋思不嫁張京兆敢煩郎画眉

胡姬年十五擬劉越石

胡姬年十五芍藥正含葩何處相逢好并州賣酒家面開春月  
滿眉抹遠山斜一笑既相許何須羅扇遮

綠水謠

綠水謠



今宵何處月南浦木蘭船半夜涼風起荷花如錦鮮莫剪徑上  
葉水珠有時圓且留泥下藕要使根株連鴛鴦不並翅好事琉  
璃脆解佩擲真珠少酬交甫意

賣卜翁

三月長安道雨過街樹綠下有賣卜翁危坐營握粟舉口講仁  
義旋式惟禍福不學賈大夫憂來方賦鵬

雙廟詞

睢陽戰敗血飄杵力屈猶思為厲鬼玄元祠前哭一聲朝食愛  
姬暮羅鼎唐家宮殿秋草生二十一陵如掌平獨遺雙廟門前  
石日有行人來繫牲

唐五王擊毬圖

興慶宮前春正熱綠楊夾道花如雪毬門風起日西斜五馬歸  
來汗成血潞州別駕醉眼纈雙袖傾歌擁岐薛申王按鞚宋王  
馳杖撲毬囊手親挈草平如掌馬力均玉鞭十里不動塵黃門  
扶入五花帳大衾長枕媿家人花萼相輝雨氣寒樓中歌管漸  
闌殘紫騮不踏毬場路萬里青鰲蜀道難

中秋碧雲師送蟹

天風吹綻黃金粟檐前老兔飛寒玉客窗不記是中秋但覺鄰  
家酒漿熟泖田秋霽稻未鎌葦泊竹蕩收團尖紅膏溢齒嫩乳  
滑脆美簇簇橙絲甜無腸公子誇鑣鑠兩戟前軀終受縛膺心  
畫暖白玉臍瘦并夜泣紅銅殼麴生風度亦可憐且對霜娥供  
大嚼酒後高歌繞碧雲九峯一夜霜華落

青山白雲圖

青山青青白雲白一尺小溪千里隔扁舟艤岸不見人雞聲何

處秦人宅桃花流水春粼粼不識人間有戰塵待得紫芝如掌  
大歸來甘作太平民

李嵩宋宮觀潮圖

磁州夜走泥馬駒卧牛城中生綠蕪炎精炯炯照吳會大築錢  
塘作汴都玉殿珠樓連翠閣七寶簾櫳敞雲幙生移良岳過江  
南不數東京舊 樂茂樹盤盤迷綠雲龍飛鳳舞峯巒奔玉牀  
下壓大江小海水正入東華門木樨花開秋可數統統靈鼉振  
天鼓海門一線截江來雪壁銀城晝飛鼓吳商楚估千萬艘黃  
龍戰船頭尾高豈無海道走中土長軀逐北乘風濤烟露蒼蒼  
繞城廓屋瓦魚鱗互參錯百萬驕民事醉醺坐使日原厭羊酪  
因循六帝不復讐西風八月凭江樓攢宮人飲白骨恨洪波不  
洗青衣羞邦基削盡師臣逐軹道人降子嬰哭繡胸文脰踏痕  
兒回首誰能報君辱廟子沙頭卓大旗天吳縮頸不敢馳行人  
指搭話楊瓊三十六宮秋草飛

棲鶴峯

遼東失却丁令威赤壁夢裡橫江飛明河洲頭槎已爛千歲去  
家今始歸晴峯歷歷入雲小獨立秋空望華表華陽真逸上清  
來鐵笛一聲山月曉

菊潭為領子順賦

盤龍塘下潭如井百尺甘泉水雪冷瓊英一芍露生香能黑華  
顛注光景九月十月天兩霜十二種分秋芳粼粼曉碧卓倒景  
白者白玉黃金咀菊之英飲潭綠不數南陽舊甘谷童子開門  
濯帽紗報道新酷夜未熟

周昉橫笛圖



一婦跨鐙如習騎一婦鵠立類男士一婦橫笛坐湖林容貌衣裳畧相似蓬鬆雲髻作懶床了鬢手錦紅錦囊人言天寶宮中女我憶梨園舊樂倡憶昔承平心內荒宮中消息漸難藏昨宵一曲寧哥笛明日新聲滿教坊春驕滿眼情脉脉喚起紅桃親按拍不將三弄作伊涼潛把閒情訴秦鞞聲悽調底承索索碧然有聲如裂帛月落長安天四更六宮一夜梨雲白

太真明皇並笛圖

黑奴絃索花奴鼓譟奴撫掌闈奴舞阿環自品玉玲瓏御手夷猶親按譜風生龍爪玉星香露濕櫻唇金縷長莫倚花深人不見李猫側足傍宮墻

鴻門會

雲成龍氣成虎椎鼓撞鍾宴直主披帷壯士髮指冠側盾當筵請公舞白髮老臣心獨苦玉玦三看君不語五星東井夜聯珠天狗樞槍落如雨鴻溝咫尺接鴻門千里神騅一夜奔君不見龍泉影裏重瞳齧玉斗聲中五體分

朱虛侯行酒歌

長樂宮中女天子盛設賓筵懽戚里百官侍坐莫敢違諸呂誼闐笑聲起御史中丞不糾儀叔孫制作成虛禮朱虛奉勅起行觴手提三尺昆吾綱田歌聲振野雞伏頸血光寒漢道昌

玩鞭亭

畸烏壓營營作聲紅光紫電圍金鉦黃鬚小龍馬上笑白首饑豺夢裡驚老奴怒擲珊瑚枕追兵起合瓊瑤井已馬東歸疾似風道傍遺糞如冰冷健兒空玩七寶鞭荆臺老姥功誰傳

胭脂井

宋元詩會 卷之九十二 十一 存素堂

胭脂井瑪瑙琉璃欄黃金轆轤銀綆寒桃花小波下無底雌  
龍吞怨沉紅水妖姬不作井中鬼玉樹飛花落如雨

送鐵崖先生歸錢塘

團花染累吳蚕繭五色紋綾出金剪海風吹度滕王宮南浦西  
山画簾捲天狗夜吠聲如雷東奎西壁昏煤炷上洲自可駕黃  
犢鐵箸何用畫寒灰牛酥燭花春未老湖上同誰剪芳草真珠  
酒瀉紫蒲萄金錯刀鑄紅瑪瑙六橋楊柳春霧深吳娃一笑千  
黃金莫邪不作老龍舞銖管自成丹鳳吟輭輿就別湖源道江  
花照人日呆呆長風吹送書画船先生眼空方醉眠

岳鄂王歌

君不見南熏門鐵爐步神矛八丈舞長蛇  
隼練銀光如雨注又不見鐵浮屠拐子馬  
研鏗剛刀飛白霜貫陣背嵬紛解瓦義旗  
所指人不驚王師到處壺漿迎兩河忠義  
忠望風附襄鄧荆湖唾手寧朱仙鎮上馬  
如虎百戰經營心獨苦賜環竟壞迴天功  
捲旆歸來卧樞府錢塘宮殿春風輕嬌兒  
安宴醉未醒徒令功臣三十六舞女歌兒  
樂太平虎頭將軍面如鐵義胆忠肝向誰  
說只將和議兩封書往拭先王目中血將  
軍將軍通軍術君命受未為失大夫出殯  
事從權鉄馬長驅功忒必功成解甲面赤  
墀拜表謝罪死不遲惜哉忠義重山岳智  
不及此良可悲嗚呼肆讒言加毒手申王  
心循王口蘄王湖上乘驢走五國城頭帝  
鬼啼金人相酌平安酒

瑶池曲

曼倩啼饑桃未熟綺窗珠樹層陰綠上清童子書臨閣鸞尾掃  
雲方種玉芙蓉畫蘭春晝長簫韶一派起迴廊八龍未暇送周



穆三鳥遽能迎漢王風雨蒼蒼隔玄圃不勞西望祠王母贈君  
桃核大如杯歸植茂陵陵上土

玉帶生歌

玉帶生端人也事文丞相為文墨賓與同館謝先生翱友善  
宋草丞相殉國死計聞生與翱哭于西臺之下復憫宋諸陵  
暴露私相蓋履識以冬青木而去後翱道卒生今歸于會稽  
抱遺老人與秋聲子輩為寮中七客初宋上皇以丞相恩賜  
生紫衣玉帶今不改其舊稱云

鸞刀夜割墨龍尾碾作端溪蒼玉砥花鑲鐵面一尺方紫霧文  
上上書几銀絲雙纏玉腰圍翡翠青斑繡紫衣金星鵠眼不敢  
現案上墨花皆倒飛景炎丞相魁龍榜撫玩不殊珠在掌背銘  
刻骨四十四血錄至今猶可想謝公古文今所師西臺一慟神  
血垂獨持老瓦出門去冬青樹邊書憤詞天翻地覆神鬼怒九  
廟成仄陵暴露廬陵忠魄上騎箕流落端生何所寓抱遺老人  
計拙愛把文章寫忠烈霜臺一夜電光飛不必矮桑重鑄鐵

寄天香師

圓帽頂紅毳方袍搭絳紗海龍邀早飯山鹿進秋花試墨探倭  
紙尋泉闔建茶時拋紅豆粒竹下喚頻伽

贈西僧

西離五印度東渡獨繩橋海若擎雙足天花上七條番經函貝  
葉飯鉢繫柳瓢回首流沙路程途十萬遙

燈下有懷

憶昔童娉店高屯生夕燠樹聲呼出月石角礙回雲野雉穿花  
見清猿隔澗聞馬頭三四子曾縛故將軍

取青樓夜飲戲葉子蕭

酒令傳觴急燈花嚙燭佞山人清似水老子醉如泥天黑月墮地水寒星在溪猶吹赤蹄紙照道画樓西

頽野王讀書堆

昔聞野王宅今上讀書堆篁竹最深處菊花時自開天風響鍾磬海氣結樓臺回首梁陳事悲歌付一杯

寄中山隱講師

問訊山中隱中山第幾重風廊巡夜虎雲鉢聽經龍流水千溪月寒巖一樹松無因淨塵滓來共上堂鍾

東顧明府

水國差徭重江城廬舍稀曉星縣印出春雨勸農歸官馬哦新月公庭散夕暉欲知通守瘦但視野人肥

立仗馬

照夜玉後貌霜毛鐵鑿蹄春風金絡腦小雨錦障泥御駕馳天上軍封受海西日供三品料緘口不聞嘶

春登永安寺

宿雨忽開霧凭高散旅愁野烟啼翠鳥庭草卧青牛怪石尖于劍長杉高過樓尚懷登絕頂東北望杭州

天寶詞

林甫當朝日韓休罷相時新臺初納婦興慶又生兒玉柵籠鸚鵡金盤進荔枝內前車馬棘無地避諸姨

井西丹房

葛井西頭更向西丹房高與白雲齊鉛田虎下飛紅電永海龍沉結紫泥山鬼俯欄窺火候爐神伏地乞刀圭飲餘一盃中黃



酒坐聽鶉聲樹上啼

席上得搖字

翠館行厨雪乍消  
墻頭新柳又垂條  
珊瑚枕煖人初醉  
鸚鵡籠寒舌未調  
座上絲鸞珠插鬢  
掌中飛燕玉圍腰  
海棠一夜東風軟  
落盡雲邊金步搖

東衛處士

傍山依水作幽居  
未減南陽諸葛廬  
卓行自成高士傳  
浮榮不用辟書除  
烏絲小楷春題畫  
青簡長編夜著書  
愧我紅塵走官馬  
計偕空詣漢公車

贈軒轅道士

子是彌明幾代孫  
姓名方使世人聞  
坐驚星斗生雷劍  
動使烟霞繞練裙  
月裏白鸞招子晉  
山前青虎借茅君  
長春酒熟朝朝

醉高枕瑤琴卧碧雲

留別賽景初

暖雲將雨驟陰晴  
四月羅衣尚未成  
萬點愁心飛絮影  
五更殘夢賣花聲  
方空月白承恩厚  
繡社諸照道明  
自笑窮途不歸去  
空懷漫刺闔閭城

良宵

良宵情緒不堪題  
立遍闌干意欲迷  
鐵撥頻敲壺口破  
金刀頻剪燭心齊  
綠分楊柳湘簾細  
紅壓櫻桃斗帳低  
彷彿第三橋畔宿  
月明珠樹夜烏啼

次韻江鍊師

道人容貌似嬰孩  
手扶天罡步斗魁  
拄杖神遊却月觀  
乘風夜上鍊丹臺  
劍橫秋水蒼龍化  
衣染春雲玉女裁  
聞道蓬萊隔東

海芙蓉三朵翠成堆

投贈周元師十韻

玉帳臨江近金城鎮海搖鼓聲秋動地劍氣夜衝霄露下星河  
白風高草木凋山寒旗獵獵沙淨馬蕭蕭左廣初傳駕西船已  
畏燒五離線散鼠六博又成梟豪傑乘時奮賢才早見招紫樞  
虛上座黃闥待清朝會見擒奸操歸來醉小喬恩波門外柳長  
拂富春潮

林塘幽十四韻

勝境愜幽尋芳塘漾茂林浸天驚淠淠拔地見蕭森隔水時聞  
磬穿花或聽琴青浮鰲弁小黑直蜃宮深躍藻翻珍鯉爭枝墜  
野禽風回微作籟雲去尚留陰鶴起如迎客龍歸若獻珠蘿房  
依蔭茫寶筏渡迷沉春雨移舟坐秋霜倚杖吟興微便枕簟懶

欲棄冠簪住久將忘世觀來已悟心埃塵猶不到榮辱豈能侵  
天樂朝朝下神燈夜夜臨闔浮那有此大士現潮音

宗山道中

老樹排雲石迳斜吹烟起處有人家一聲啼鳥春成夏新綠滿  
汀浮柳花

題集賢枯木竹石

槎牙老樹響天風寂歷幽篁泣露叢惆悵玉堂舊公子故家陵  
廟月明中

王翰

字用文仕元為總管至正未隱闕之永福縣觀獵山聞大明一統詔至自縊死因改呼官烈其子檢討王侮字孟敷亦隱于此有讀書堂在龍泉山小雄澗後父子俱葬此山

題湖州郡學東亭

東元詩會 卷之九十二 廿七 存素堂



虛亭倚危磯蒼莽澹無跡幽人時往還濯足坐苔石芟荷露涓涓浦葦風淅淅物性機盡忘上下皆自適遙峯敞空翠落日洞深碧悠然一舒嘯造化亘今昔聖門竟淵邃世路何偪仄遐哉古人心日暮坐相憶

送鎖子堅北上

亂象既無已中心恒不夸翩翩南林鳥厲翮無所依念子將焉如慷慨與我辭西北有名將世秉仁義麾壯哉國士心嘉會良在茲江漢有舟楫梁楚多旌旗時焉不我與心念渴與饑明良際昌運允稱平生期

題菊

我憶故園時遠籬種佳菊交葉長青蔥餘英吐芳馥別來二十載粲粲抱幽獨豈無桃李顏歲晚同草木及茲覩餘芳使我淚盈掬離披已欲摧瀟洒猶在目雨露豈所偏歲月不可復歸去來南山粲英坐空谷

秋懷

縣門扶桑孤丈夫四方績奈何中險艱零落苦相失涼風天際來庭草淒以碧嗷嗷雙飛鴻宵征度寥闐物性既如此予茲念何適寒聲在衣中心煩百憂集美人隔天涯佳期阻良夕鼎湖詎可招巫咸以難即孤憤不自聊長歌振岩石

送別劉子中

執手寒江濱慷慨難為別豈無楊柳枝零亂不堪折鴻雁西北來嗷嗷唳晴雪陽和忽已暮旅况轉淒切誰憐蘇子卿天涯持漢節

與和仲心飲分得詩字

淵明歸去時不作兒女悲視世如浮雲出處得所宜有酒但歡  
飲戚戚欲奚為斯人不可見載歌傳雲詩

題棘石圖

烈風號中林極目盡荆棘離離寒月秋莽莽古原夕冥鴻振高  
翮鷓鴣翳深跡奈此貞固姿蒼茫更秋色

寫望雲圖寄溫陵劉子中

開窗見停雲美人別經載以茲一時意聊寄千里佩暖暖春復  
深悠悠歲云邁遲雨浩蕩心空山日相待

月夜坐悠然軒有懷

明月照我懷開窗共幽賞冷冷萬籟秋靜夜發清響山川日修  
阻之子獨云往長歌耿不寐相思發遐想

自決

昔在潮陽我欲死宗祠如絲我無子彼時我死作忠臣覆祀絕  
宗良可恥今年辟書親到門丁男屋下三人存寸刀在手願不  
惜一死了却君親恩

送陳同舍

馬首出城東將軍膽氣雄旌旗明慘雪鼙鼓動悲風早釋三邊  
恨寧誇百戰功相期春草色處處凱歌同

送張子方之江西掾吏

自脫京華服知君歎索居海隅清宦在天上故人踈挂壁空長  
劍探囊得素書更陪驄馬去西望復何如

遊枕煙寺

石磴招提古松蘿暝不分排雲獲樹轉隔水一鍾聞林影疑殘  
雨山光倚夕曛醉來歸路遠秋思正紛紛



夜宿洪塘舟中次劉子中韻

勝地標孤塔遙津集百船  
岼回孤嶼火風度隔村烟  
樹色迷芳渚漁歌起暮天  
客愁無處寫相對未成眠

山房秋夜寄魯客

寂寞山居悄相思望轉迷  
江空寒雁落樹盡暮雲低  
生事悲秋草交情憶剡溪  
西齋愁不寐風雨共淒淒

題畫小景

萬籟秋聲近  
雙峯宿靄收  
江涵林影碎  
野接曙光浮  
蘿薜連書幌  
鶯花避釣舟  
由來揚子宅  
寂寞閉丹丘

龍湖夜泊

小舟眠不得  
起坐待潮生  
漏淺壺觴盡  
江澄巾履清  
沿沙除鳥跡  
隔水通鍾聲  
悄似金山夜  
相看月正明

晚眺次林公偉韻

偶信東山屐  
幽尋到翠微  
白雲空野樹  
紅葉戀斜暉  
岼落潮初滿  
天寒雁未歸  
風塵江海徧  
不上野人衣

靈源洞

旭日照高岑  
天風振遠林  
不分滄海色  
那識白雲心  
瑤樹空香滿  
珠林積翠深  
坐來明月上  
何處起潮音

春日雨中即事

京洛繁華事已違  
懷人竟日掩空扉  
望迷楚岫聞啼鴉  
思入秦州怨落暉  
野館蕭條芳草合  
寒江寂寞暮雲飛  
落花片片隨流水  
惆悵關河淚滿衣

雁湖

野水深秋風吹客上遙岑  
丹楓盡逐孤臣淚黃菊空

憐處士心雨後諸峯浮夕靄霜前一葉送寒音停車欲問當年事尺素何由到上林

附王 偁

官烈山

晨光照墟里屋下春泉鳴驅牛出東阡且作農事耕不惜筋力  
劬但願禾黍成遐哉鹿門意千古斯能并

遊小雄澗

陰島變殘雪新流吐溶溶偶尋一徑徹獨與采樵同兩岸濕花  
霧泉竅吟天風雲根濯苔髮亂篠相冥濛盤巖折磴道似覺冥  
摛窮石門忽中斷曠望開烟叢蘿雨澤中屢松桂清心胸了然  
青川霞照此龍潭空始知人境外别有僊路通





